

MULUWA WAHA CHINGOLOSHI



Ngwasakwilila, chikuma. Ou Mwata amikisule.

Enu munahase kutwama.

² Mwanami apwanga kuno lelo, kaha ikiye ambile ngwenyi, “Tata, Ngwatondo etu kachi kumona lize liuka shimbu kanda etu tuputuke kutunga lyetu, echi chinapu chihela chamwaza.” Kaha ikiye ahanjikanga ha... Ambile ngwenyi, “Kanda lyehi nguli wane namukakuzata, oloze kachi ikiye napu muthu wamwaza nge pwevo lyenyi, punduvene kaha napu muthu wamwaza.” Shikaho etu twawahilila kupwa hano.

³ Kaha Nguli—Nguli nakutala kulutwe ku—ku kuliwana cha ufukuuno, nge Kalunga kuhingununa kukisula Chenyi hali etu na kutukafwa etu.

⁴ Jino etu tuli... Nguli kaha nakwingila, kaha Ngwevwile Ndumbu walunga Williams, Ngwafwelela, kuhanjika chumachimwe hakupwa ku Ramada. Kaha Ngunashinganyeka kuvilika chinalingika, pamo hali chize. Kakavulu vakiko kuzakama chize shimbu kanda Ngwingilemo. Kaha etu punduvene kutala kulutwe kulwola lwalunene kuze kukukunguluka chachinene. Kaha chihanda chami hano kupwa kaha nakuya nakujinguluka na kuliwana navandumbwetu na kulikata mukachi kavathu, kaha kulomba nge Kalunga mwaya nakutuhana na—namuyachi wakwoloka wa kusunga, kaha jino etu tunahase kuya mukwoloka nakwingila mu Ramada muze mukuliwana chachinene. Kaha shikaho etu tuli nakweseka kutambukila mauka osena aze anahase, palanga luze lwola. Kaha etu tuli nakupwa nalwola lwalunene. Etu punduvene tuli nakupwa nalwola lwamwaza na kulikata cha mukachi ketu.

⁵ Kaha kakavulu Nguli... Kalamuthu kutachikiza nge Kangweshi mukakunangula chikumako, Nguli kaha nge liwilo lyahapenge. Oloze Ngwa—Ngwa... Mulimo wami uli kulombelela vakakuviza. Kaha Ngwa... Etu tunapunga vakulilunjika mumaufuku, na vyuma, palanga etu tunahone numba kupwa na kapete kakutamo mangana tulinge ngachize. Kaha etu natuya nakweseka kachi etu... omwo etu natwingila muvihela muze etu natuhasa, muno, kuhana makati amwe na kuneha vathu nakuvalombelela. Oloze kupwa ufuku umwe kuliwana halwola, chuma muka ove unahono na ufukuuno kaha jino vakiko kushindakanya hamavu kumwe nawa naufuku naushisaho, kaha kunyima okwo kumwe nawa, shikaho mujila kana Nguli kaha waktungiwa na—na wamundende—na kuhanjika chindende haufuku haufuku hali vathu, kaha chamwaza chize Ngunahase kupwa nge... kuvumbika na

upahu wa Yesu Kulishitu, kaha kuli Hiya etu vosena twazanga na kufwelela, kaha kulikata chetu hamwe.

⁶ Ngunafwelela enu mwevwile ponde yahaze halifumbila jila, tando yayindende kunyima okwo. Ngunahono kutachikiza nge uze muthu vamujihile, mokomoko hiya chapwilenga, ize miyawu yejile nakuhita. Etu twemikile, lizu kaha lya kulomba, tando yayindende kunyima okwo. Pamo jimbango jivali helu hano kuze kwapwilenga muthuumwe vamuvetele kusali yimwe na kumbila kusali ya jila. Kaha muthu wamunene apwile wakufwika kuze. Kaha uze mufu apwile kuze, oloze Ngwahono kushinganyeka nge nambulance yineza nakuumbata. Vakiko vatelele. . . Kachi kavajihileko, punduvene chapwile. . . Kuveta kusali *eyi* kaha kuholokela kusali yeka kuhichila mukholo kusali yeka nawa, shikaho chatela kupwa kuveta chachinene. Munatachikiza, mukiko kaha. . .

⁷ Etu twatela kuzachila Kalunga kala munyutu. Etu tunahono kutachikiza lwola muka—etu tunahono kutachikiza lwola muka luze vyuma vize navikasoloka. Pamo etu kushinganyeka nge kacheshi kupwa etuko, oloze munatachikiza chinahase kupwa, munatachikiza. Shikaho, Ngwafwelela Yesu ngwenyi, “Pwenu vakulizanga,” mwomwo etu tunahono kutachikiza munyutu muka mokomoko ola ize etu tunahase kupwa vakusanyika. Kaha jino etu natuya kuchihela kuze kakweshi kapwa jiponde, namaukalu. Etu tunawahilila kuli chihela nge ngachize muze mulushiko.

⁸ Munatachikiza, chize chishinganyeka, ufukuuno, cha—cha kumona nge etu tunashimbula chikuma ha chihela nge ngachize, chize chinasoloka nge kuli chihela nge ngachize. Talenu? Kaha etu tunatachikiza nge vyavipi vyosena, mivwimbimbi yosena, kuze kwatela kupwa chumachimwe chakupwa na muvwimbimbi. Muvwimbimbi uli kusoloka. Shikaho kachi kuli kuyoya nge echi, chinenjikiza nge kuli muvwimbimbi, kahajino kuli chiyoyelo chivene kumwe chili nakusolola. Talenu? Enu talenu ha mutondo, omu mutondo wawaha. Kaha enu tachikizenu chumamuka chize? Echi chinapu chifwanyisa cha muvwimbimbi, wa Kuyoya cha mutondo uli Mwilu.

⁹ Jino, munatachikiza, omwo Kalunga ejile hano hamavu, omwo Ikiye vamutambile hamavu hakuputuka, kaha pamo chuma chatete chejile nakupwa nge—nge mizelele, nge omu ma sayatisiti veji kwesekanga kuhanjika. Chuma chakushisaho pamo kupwa chumachimwe. . . Ngwafwelela mu kuvululuka cha Ukulishitu wa muchano, oloze Kangwafwelela nge vyafuma mu cellu yimweko. Ngwafwelela echi kupwa kaha. . . Kalunga atangile kavwovela, kaha jino Ikiye atangile ishi, kaha jino Ikiye atangile chumachimwe cheka. Kaha kupwa kaha. . . Ngwafwelela kwiza, keshi ha cell yoyimweko, oloze tengeso yakuhandunuka lwola lwosena.

¹⁰ Kaha makumishilo Ikiye atwalileho, kwiza nakupwa muyachi wahelu, kaha hanyima chindende kusolola uze Umwe uze apwilenga nakulinga nakukumbila, uze ikiye Kalunga. Jino, kwinjikiza nge chakwoloka, omwo Kalunga vamutengele nakupwa musonyi apwile Yesu Kulishitu, muthu. Talenu? Shikaho, keshi Kangelo ko, muthu. Shikaho echi nachiya nakusoloka nge chamusolwele Ikiye.

¹¹ Kaha, mamalelo, eyi Mbimbiliya yamwaka yinazale na vyuma vyavilemu vya vyalikoji. Nguli kaha...Ngunazange kaha kutala (keshi ngochoko?) kaha yako muze nakunyikisa vyosena nakufumisa lukungu kuli Chize, kaha tala hali Echi na kumona chuma muka Echi chili. Omu va yuleya, enu vathu munatachikiza hano mu Arizona, vaze va yuleya vavanene vejile kufuma mulukungu lwa mavu. Muze mukiko vakiko vafuma. Kaha vyavilemu vya Kalunga vyafuma mulukungu, nawa. Kaha Ikiye...Etu tunapu vakuwahilila nge Ikiye atuhana lisesa lyakuya nakwingila mulutengo Lwenyi, kaha majilo osena kufumisa.

¹² Munatachikiza omu vapwilenga? Mukikovene, enu vathu mu Arizona munatachikiza omu vakiko...shimbu kanda vakiko vapwenga na vyakuyengunuisa, omu vakiko vapwilenga na lutengo lwaulu. Etu vatulwekele nge vakiko vambachile ulu na kuveta. Vaze va Indians vapwilenga nakulinga chize, kuyiveta. Kaha kuyalumuna, kaha kuyiveta kaha kuyiveta, palanga vakiko kufumisako majilo osena muyikiko. Kaha mujila vakiko vatachikijile nge majilo anafumuko (tuzetu tuji na majilo acho kuyikiko, vyosena), omwo vakiko vatachikijile omu, uze mukakuveta kumona kusoloka chenye muli chize, ikiye nahase kumona lyavene. Jino ikiye atachikijile yapwilenga nakutoma, omu nayisolola chifwanyisa ya chivene.

¹³ Kaha, munatachikiza, Ngwashingtonyeka Kalunga atonda kulinga mwomumwe na Liuka Lyenyi mujila kana, kuveta nakufumisamo kaye kosena palanga kusolola Yesu Kulishitu ayoya muli etu vosena kaha etu kusolola Kuyoya Chenyi. Kahajino etu tuli vakulizanga jino hali Ikiye...Ikiye alisolwele Lyavene kuhichila muli luze lwola, omu etu natufumisa...kutulika kusali kala kulema na shili ize yeji kulemuwisanga, mangana tuhase kulaha mukuunda kulaha chili kulutwe lwetu, kutala kuli Chitalilo, uze Mukakutenga na Mukakukumisa Lufwelelo lwetu, Yesu Kulishitu. Shikaho kuwahilila hali Chize!

¹⁴ Jino, kakavulu Nanguhanjika ufuku wosena...Ngwambile ngwami kuli Ndumbu walunga Carl Williams, Ngwambile ngwami, "Ndumbu walunga Carl, vakiko vathu kaveshi nakutonda kwivwa yami cheka, helu na hamavu kuhichila muli vakiko muze muchinema, kulama vakiko palanga jiola jivali mokomoko jitatu ha ufuku."

Ikiye ambile ngwenyi, "Chamwaza, chamwaza, twaya kuno."

15 Shikaho Ngwasakwilila kukakachila chove mu—mu kungusanyika cheka. Kaha jino ufuku wosena. . .

16 Ngwahanjikile kuli pwevo lyami kunyima okwo, kushikumuka. . . Ikiye ali ku Tucson jino, kaha Ngwambile ngwami, “Ngonde muka?”

17 Ikiye ambile ngwenyi, “ali na Kuzumisa.” Kaha ikiye ambile ngwenyi, “Ove uli nakulama tondelo?”

Ngwambile ngwami, “Chili vene, kujinguluka teni mokomoko leveni ufuku wosena.”

18 Ngwahanjikile kuli ikiye, “Ngulinakuya nakunoka omwo Nanguya ku Arizona lwola luno ha kuliwana chachindende. Nguli nakuya kuli aze mauka, vaze vandumbwami. Kangweshi kuya nakuzangamisa vaze vathuko, Nguli nakuya kaha muze kaha Nguli nakuya na kwimba kwimba, kusokoka. Nguli nakuya nakuhonesa amilyavene, kusoneka hamavu pamo ha minyutu fifiteni, twende, kuhanjika ‘Amena’ kaha yako kwimba.”

Ikiye ambile ngwenyi, “Ove uli nakukavangiza jindondelo?”

19 Ngwambile ngwami, “Eyo, uchi wami, Yami; handondelo, palanga na jiola jitatu.” Vathu vambwende; kukakachila chachivulu.

20 Chamwaza, echa tunongamenu mitwe yetu katando kakandende jino shimbu etu natupandama kuli Ikiye. Jino, Nguli vene pundu ize ili lizavu livene lya vathu nge vaze vafwelelele, kaha chikumanyi. . . Ngunamono vikovelo vivali kupwa hano, vaze vathu vaze vali nakuviza na kutondeka, Ngunatachikiza vakiko kupwa nakutondeka chakulimanyina. Kwauchi kukakasana chumamuka kuli vavavulu na veka vaze vanatondeka. Kachi ngocho, kaha zundula livoko lyove kaha echa kaha vachitachikiza zundula livoko lyove. Kaha jino mukulomba Nguli nakuya nakuhita kaha kulombela vaze vathu vali mumihela, shimbu—shimbu etu tuli hano, shikaho etu tuli vakukunyuka kupwa nacho. Kachi chumachimwe nachisoloka. . . Vakiko vapwile vakushishika chikuma chakuneha hano, Ngwatondo enu vosena kulomba na yami.

21 Ove Tata wa Mwilu, etu tuli nakusavala kusali jino kala vishinganyeka vikwavo, kukosa vishinganyeka vyetu, kaha etu tuli nakwiza Kumeso Ove kutomesa cha myono yetu. Kaha etu natuneha kumeso etu Manyinga a Mwata Yesu. Etu kwitavila nge etu katweshi vakuhona kutela kala kukisula chize Ove nauya nakutuhana, oloze mwomwo nge Ikiye afwile nge etu twatela pamo kupwa na eji jikisu, kaha vanatulweke kwiza nakumika kumeso a Litanda, nge etu tuli nalisesa lya eji jikisu kuhita mu likoji lya Mwata Yesu, Hiya ejile kumavu, Emanuwele, kaha kumbata chihela cha mukashili. Ikiye ejile nakupwa *etu*, mamalelo, mangana etu tupwenga *Ikiye*.

²² Chumakana chakuhasa kutambasana, Mwata! Mukashili, hetese kukashiwa mukuoyoya chize etu twapwile nacho, kaha kutachikiza nge Umwe kwiza na kumbata chize kuyoya hali Lyavene, kaha kulikosa kujishili jetu ha kuhichisa cha Manyinga a Kuyoya Chenyi Ivane. Echi chinahambakana michima yetu yinahase kushinganyeka hali echi, Mwata. Kaha jino, kusali yavyosena evi, Ikiye atungile jila kumbata upapwoke wetu na kutuhindula etu ha mikiki Yenyi. Etu tuli vakusakwilila nge Ikiye ashikile nge Ikiye mwaya nakutulama etu chamwaza shimbu etu tuli nakumuzachila Ikiye.

²³ Kaha jino ufukuuno, Tata, kuli kutondeka chachivulu chinapunga . . . na mavoko avo kukatuka. Etu tunatachikiza nge Ove muya nakumona umwe wavo, kutachikiza chuma chili mwishi ya livoko, mukachi ka muchima.

²⁴ Kaha Ngwalombo, Mwata, nge Ove muya nakwanuka Lizu ufukuuno shimbu natutanga Echi; kaha kulombela hali Echi nge kutangisa chachindende, nge shikola ya Chalumingo, nge etu tunahase kuseza hano ufukuuno kaha—kaha kupwa nechi mukachi ka michima yetu, nge etu kwivwa nge etu natupwa hakamwihi na Ove, kuya nakulovoka, kuhambakana nahase etu twejile nakwingila. Omu mukiko etu tuli hano, nge chinahase kuneha kuhizumuka nakujinguluka mulifuchi, kuhona kutachikiza omwo chinahase kuputuka, oloze kuvandamina kutala kulutwe kuli echi, Mwata. Etu tuli nakuhaka ngolo josena jize etu tunatachikiza omu mwakuneha kuhizumuka chize kuneha malunga na mapwevo, vanyike vamalunga na vmapwevo, chinyingi chakulwila cha Kulishitu.

²⁵ Etu twatondo kusakwilila Ove hali eli liuka, kupwa kafunga wamwaza na chisaka chenyi, kaha vakakuzata muliuka vosena, vakufwelela muliuka, kaha vosena vakwimanyinako. Etu twakusakwilila Ove hali ava vindume vanemana. Kaha, Mwata, etu twalombo kaha kukisula cha Kalunga hali vakiko. Kisula kala ngolo. Echa echi chipwenga hawimanyino, Mwata, kuze vinema vyosena hano kwiza nakwingila kaha kuwana kunoka. Tuhane echi, Tata. Echa malombo a kafunga apwenga akukumbulula hali vakakuviza. Echa malombo apwenga akukumbulula ha ulwilo, mwomwo vyosena naviya na—mu Mujimbu wamwaza. Echa kukisula Chove chipwenga hali ikiye. Kaha echa eli liuka kanda nalihona wana wamushipilitu, echa kupwenga chihela, liuka lya chitalilo ku ngalila yosena. Tuhane echi, Mwata.

²⁶ Jino, Tata, ava vanasavala hamihela hano ufukuuno, vaze kaveshi kuhasa kutwamako kaha kuwahilila mukuliwana, vaze kaveshi na lisesako. Kaha vakiko vanalongejeka muno mujila, ufukuuno. Ove Kalunga, nguvwile keke! Ngunashinganyeka, “Ngachilihi kachi uze apwanga pwevo lyami mokomoko ndumbu walunga, mokomoko muthuumwe uze apwilenga tanga, uze Ngunatachikiza kanawa?” Ali muthuumwe, kaha

Ngwalombo, Tata, nge likoji lya Kalunga, na ngolo Jenyi, najiya nakuheta mu kusokoka cha Ukalunga ha ufuku uno, kaha kusokola vakiko kufuma mumihela. Echa vakiko kaveshi kupwa muze chekako kuhambakana echi kuliwana ufukuno. Echa, omu vakiko navaya, ize mihela kufumaho. Echa ngolo, jize jamusangwile Yesu kufuma kuvafu, washi mijimba yavo kupwa kulikangula na ngolo cheka. Tuhane echi, Tata yetu. Jino, etu tunatachikiza nge Ove washikile kulinga echi.

²⁷ Shikangaho, echi vachisoneka mu Visoneka, “Evi vinjikizo navikakavangiza vaze vakakufwelela. Kachi vakiko navahaka mavoko hali vakakuviza, navakayoya.”

²⁸ Jino, Tata, nge kuze kakwatela kupwa naumwe pimbi muze navaheta, shimbu veka navahasa kuheta hali umwe na mukwavo, Nanguya nakutambuka nakushikumuka muze mukwanuka eji jishimbi. Kaha, Kalunga, Nguli nakuya nakuvandamina kupwa na mukanda kufuma kuli vakiko, nge chinalingika, mwomwo Nanguya mu Lijina lya Yesu Kulishitu.

²⁹ [Ndumbu walunga Branham kuseza kamenga ha seli mokomoko chimbwa cha minyutu kulomba hali ize mihela, mazu eyi keshi nakwivwakanako—Muka.]

Mwata, Ngwafwelela, Ove Mwata,
 Ngwafwelela,
 Vyuma vyosena vinashiwa, Mwata,
 Ngwafwelela;
 Mwata, Ngwafwelela, Mwata, Ngwafwelela,
 Vyuma vyosena vinashiwa, Mwata,
 Ngwafwelela.

³⁰ Hakupwa mapwevo vosena vakalemesa vakwechi maufwa, kansa hohamwe, kaha, Ngunahase kaha washi washi kuhana unjiho waundende, kachi Ngwatela kuhihisa kuhanjika chami. Shimbu kanda kuseza hembo, ukalu wamakumishilo Ngwapwilenga nawo shimbu kanda kuya, uze wapwilenga ukalu wakulimanyina, kuze kwapwilenga pwevo wakalemesa kaha lijina lyenyi ikiye Dyer; ikiye apwilenga, Ngwavwulyama lijina lyenyi jino. Apwile Ndotolo Dyer, kufuma ku Louisville. Uze James, Ndotolo James Dyer, uze kuluwa mumaufwa, kaha navyangocho, mu Louisville.

³¹ Mwanenyi wapwevo embilenga piano muliuka Lya Open Door, muze Ndotolo Cauble napu kafunga; kupwa kaha, mamalelo, wamunene, uze njamba wa sunangonga ya Yuleya. Kaha uze lunga lyavene apandama ku Church of Christ, chikungulwilo cha Church of Christ, kaha apwilenga wakwalumuna na kwingila kufwelela uze mujimbu wamwaza wa kuzala na Mujimbu wamwaza, lunga wambwende. Kaha ikiye embile mukuliwana chami omu Ngwapwilenga nacho mu Louisville, ku Memorial Auditorium. Kaha ikiye apwile

wakulikomokela kumona chumamuka chasolokele, kaha kweseka kumulweka ise hali chize.

³² Ikiye ambile ngwenyi, “Echi chinapu kutanga chauthu. Vaze vathu vali kaha wakuviza nge omu vapwilenga.” Kaha shikaho—shikaho ikiye kahashile kufwelela Chizeko.

³³ Makumishilo ikiye asumukile kufuma muliuka, ikiye asombokele kuli kanyike walunga wamukutanga cha Mbaputishiti, kaha ikiye makumishilo kufuma mukuzeneka kufwelela. Ikiye apwilenga wakulilongesa kupwa mukakuzata, kaha ka Mbaputishiti kulinga muli ize jila. Kaha shikaho vakiko. . . Makumishilo ikiye ayile, kachatondekele kunangulako. Kaha vakiko vatambukile nakuya kuli vathu jenyi ha Rockford, Illinois.

³⁴ Makumishilo ikiye, Jean, aputukile kupwa naukalu wa pwevo. Ikiye ayile kuli ise hakweseka, ejile nakukinduluka ku Louisville hakweseka. Kaha, omu vakiko valingile, vakiko vawanyine chumuka vavulukile kupwa “ufwa wa chocolate,” wapwile muusasamba. Kufumisa chize, ize, nakupula chachinen, kah yatela kupula yimwe ya—ya muufwa. Kaha makumishilo. . . Kaha vakiko kumuhana X-ray na—na vitumbo.

³⁵ Kaha shikaho jino omwo vakiko. . . omwo ikiye akindulukile kwimbo, kaha ikiye atwalileho kupwa naukalu.

³⁶ Pamo mwahichile mwaka vakiko kuneha cheka kweseka chikwavo, kaha vakiko kupwa nakufumisa lichimbi lyosena. Kaha hakulinga ngocho, uze ize, na Ndotolo Humes, uze umwe napu mukulwane wamandotolo vaku Kuto, kumupula, kaha chapwile ngocho, kansa yinalijingila mu chitomba. Shikaho vakiko vamusele kuze jino shimbu yayindende. Kahajino ikiye esekele X-ray cheka, kaha vakiko kavamwene kuwahako, shikaho vakiko kumukindulwisa ku chipatela cheka. . . Vakiko kavahashile numba kumuhana vitumbo vyakulingisa mijingwa kutambuka, shikaho vakiko vesekele kumuchuka. Kaha chize chalingishile meya kuhona kwingila mumijingwa cheka.

³⁷ Shikaho jino lunga lyenyi apwilenga umwe uze angutolekelenga. Kaha shikaho makumishilo likumbi limwe ikiye ejile kuze na kumbata mukanda na kuputuka kutanga. (Kaha mwanami walunga hano na Ndumbu walunga Sothmann, ikiye ali umwe hali vaze vakufwelela muliuka, ali muno kumwe.) Kaha ikiye kupwa kaha kuze ha chikolo cha liuka, mwomwoika, pamo makumbi amavulu, palanga. . . Ngwa—Ngwapwile mujila yakuya kukuliwana. Kwiza nakukinduluka Ngwa—Ngwayile nakumutala. Kaha ikiye angulwekele yami, ngwenyi, “Jino, ikiye katachikijileko nge ali na kansa.” Ambile ngwenyi, “Yako kaha ukahanjika kuli ikiye na kulomba nenyi.”

³⁸ Kaha shikaho omwo Ngwamumwene ikiye, ikiye ngwenyi, “Ndumbu walunga Branham,” ikiye ngwenyi, “lunga lyami mwaya na kwitavila kuka cha Ukalunga,” kuhanjika, “mwomwo

Kangwahashile kumulingisa kutala mumikanda yimweko, jino ikiye kutanga lipapilo hanyima ya lipapilo kuli yami hakumbi hakumbi, mikanda yimwe.”

³⁹ Kaha Ngwambile ngwami, “Ngunevushisa nge, Jean.” Kaha Ngwambile ngwami, “Jino, Jean, echa tuhanjike na kumona chuma muka Mwata mwaya nakuhanjika.” Naumwe pimbi apwile mukapete, uze nesi amuhangilemo. Kaha shikaho etu twahanjikile chindende, kaha hanyima chindende kwejile chimweno. Ngwa...Ikiye pamo myaka fwote yakusemuka, keshi naweleko, oloze ikiye wakukula chikuma kaha nawele. Ngwambile ngwami, “Jean, jino, ove unapunga mukuliwana.”

“Eyo, Ndumbu walunga Branham.”

⁴⁰ Ngwambile ngwami, “Vakiko vanalame kufuma kuli ove, kaha kungulweka yami kuhanjika echi, oloze ove uli na kansa.” Kaha Ngwambile ngwami, “Iso na...Mokomoko lunga lyove ngwenyi, ‘Kanda kuhanjika chuma chimwe hali echiko.’ Oloze ove uli na kansa, Jean. Oloze, jino, Ngwatondo kumilweka enu, mwomwo enu munapunga mukuliwana. Chimweno kachahonako. Jino Nguli nakuya nakumilweka, Jean, echi chinapu MUKIKO MWANAMBE MWATA! Talenu?” Talenu?

⁴¹ Jino, enu mwatondo kupwa vene wakukunyuka hali chize, talenu, nge...nge napu Mwata. Keshi vyakusolwesa; enu *talenu* echi. Talenu?

Kaha jino Ngwambile ngwami, “Ove uli nakuya nakuyoya. Vakiko vali...Ikiye...”

⁴² Ikiye ambile ngwenyi, “Ndumbu walunga Branham, Ngwachishinganyekele lwola lwalusuku.” Kaha ikiye ambile ngwenyi, “Hakupwa wakukulisa hembo na tata yami hakupwa ndotolo,” ambile ngwenyi, “Ngwa—Ngwa—Ngwapwile wakushinganyekela.” Ambile ngwenyi, “Ngwachinganyekele nge vyosena, chize chikiko chapwile.” Etu twalombele.

⁴³ Likumbi lyakushisaho, likumbi lyamuchivali hanyima ya chize, vakiko vapwilenga nakuya nakumufumisa chitomba. Mukiko kaha, munatachikiza, vakiko kuvatula mujingwa nakuhakako jeke kusali kaha uze muveji kupwa...palanga vakiko kufwa, ize kansa makumishilo kuvajija, kumwanga ize jeke. Kaha kupwa kaha nge vakiko valizangile, kaha kulizanga kufumisa kaha kulizanga hamesa yakupilila, ikiye kwivwa mwaungeji. Kaha vakiko...ikiye kusanyika nesi kwiza na kumukafwa ikiye kuya ku—ku kapete kakusanyina. Kaha, omu ikiye alingile, ikiye ahashile kufumisa vyosena. Kaha lunga lyenyi—lyenyi kupwa kaha nakupwa nakuya kuze. Kaha likumbi lyamuchivali...Vakiko kavamumbachileko. Likumbi lyamuchivali, kakavulu, hanyima yakulya kulya chachimene, kufumisa vyosena. Shikaho ikiye...

44 Ndotolo vamusanyikile. Mukachi kakulikomokela na kulila, ikiye ngwenyi, “Kangweshi kuhasa kwivwushisa, etu katweshi kuwana vinjikizo vimwe vya eviko. Vinayi.”

45 Jino, jino, vandumbwami vamaapwevo vamwaza, Kangweshi na mulonga kwimana hano nge ngamba ya Kulishitu na kuhanjika chumachimwe chakuhenga, mwomwo navakaya nakungusopesa lize likumbi, kaha kutapula, nge mukakulyonga.

46 Jino, na Lizu Iya Kalunga kusokoloka, Ngwalombele chikuma hali Jean kaha chikuma kuhambakana Ngwalingile hali enu, talenu. Etu twatambukishile nakushikumuka kulivaya Iyalindende, kutachikiza lize lilombo Iya lufwelelo valilombele. Lyakumishile vyosena. Lizu Iya Kalunga ngwalyo ngocho, talenu, “Kulomba cha lufwelelo nachimulwila uze naviji.”

47 Jino, Kalunga youmwe uze ahindwilemwana wapwevo wa Ndotolo Dyer, uze Jean... Ngunahono kutachikiza Ijina Iyenyi hiya jino. Oloze uze lunga kakavulu kwitavila kuzala cha Mujimbu wamwaza. Kutangisa chamakumishilo ha Iliuka, hano ikiye apwile natwame hazevene kuze kumbata vyosena, kulya mbolo hamwe na yetu, kaha vyuma vyosena nawa, mukakulinangula vya Mbaputishiti vejile kuli Mwata mwomwo Iujimiko Iwa Shipilitu Wajila. Jino, kupwa kaha nakuya na kusolwesa nge Kalunga hanga apwa Kalunga.

48 Kaha ndotolo, ise, lunga wakuzanga, oloze ikiye kanda Iyehi amone kalachuma nge chize kusoloka.

49 Jino, Kalunga atwama na Iwola Iwa vyuma vyosena. Kaha kufuma mukufwelela, enu muvosena Vakakufwelela. Shikaho vize vyuma kusoloka ha kuwaha. Munatachikiza, eyi Mbimbiliya ngwayo, “Vakiko veji kuzata hamwe mwamwaza.”

50 Jino, anuka Yopa, vyeseke vyosena? Jino, jino uze kawapwilenga Mulimo wa Kalunga wakuzangamisa, oloze wapwile kwinjikiza Kalunga ngamba Yenye. Shikaho vyuma vyosena kuzachila hamwe nakuneha kuwaha, mwamono. Kaha jino Mukanda wa Yopa vasonekele ha visemunuino vyosena, ha unjiho. Jino, Kalunga ali nakuzata hali echi chamwaza.

51 Anuka kaha, Ngunalombelela, na muchima wami wosena, kulomba cha lufwelelo. Enu mwafwelela, kaha kuze, chize nachiya nakupwa, chize nachiya nakupwa ukalu, kupwa—kupwa nakutala ha vyakusoloka.

52 Jino, kwingila mu—mu mujimbu, (vavavulu vanema), mujimbu waundende wa chingoloshi.

53 Kaha—kaha kupwa kaha nakwanuka jino, kuze ha—ha Ramada, kuze kuli nakuya nakupwa vakakuhanjika vamwaza kukuliwana cha Ramada mulwola elu, vaze va Malunga Vakakusekasana, shikaho enu... kushikuma ku Ramada. Shikaho enu kupwa vene kweseka kupwa kukuliwana. Ndumbu

walunga Oral Roberts kuya nakupwa kuze ha ufukuno ku chilika.

⁵⁴ Kaha, jino, Nguli kaha chihanda chachindende cha Tucson, Nguli nakuya nakukwachilila ku Tucson. Etu kupwa naumwe kushikuma kuze, nawa, Chimwe chakushisaho na ufuku, shikaho kachi nachisoloka kupwa nakujinguluka kuze, chamwaza, enu kwiza nakushikumuka kuze nawa. Kaha enu vosena kupwa...pamo kuyanda chindende na yami, mwomwo Ngwatela kuhanjika uze umwe. Shikaho enu kwiza nakushikumuka kachi enu Chivali chakushisaho...Chimwe chakushisaho ku Ramada Motel, ize Ramada Inn, mu Tucson. Kaha, mukikovene, etu vosena tunatachikiza nge Phoenix yinapu kuweluka wa Tucson. Etu vosena tunatachikiza chize, enu mwamono, shikaho—shikaho twaya na kumona omu ize pili nayiyoya.

⁵⁵ Jino echa tufukununu mu Jimbimbiliya ku Zakaliya 14, kapetulu 6 na kapetulu 7, Ngwatondo kutanga mu... kufumisamo kutangisa chachindende nge omu Ngunazange kumbata.

Kaha nachikasoloka halikumbi lize, kaheshi kukapwa musanako, vika kumunyika navikafuwalala:

Oloze nalikapwa likumbi limwe vanatachikiza kuli YEHOVA, keshi musanako, keshi ufukuko: oloze nachikasoloka ha chingoloshi, nge muze nahakapwa musana.

⁵⁶ Jino Ngwatondo kufumisamo chuma chino, *Muluwa Waha Chingoloshi*, kupwa ha...hakupwa mutwe wachihande: *Muluwa Waha Chingoloshi*. Mukiko, etu tunahase kupwa na miluwa kuhita likumbi lyosena, kaha kuze kwapwilenga miluwa vosena kuhichila muli lino likumbi nge Ikiye ahanjikile, oloze kuli nakwiza Mujimbu wa chingoloshi. Kaha etu twatondo kutala hali chize ufuku uno na kupwa nge mujila nge shikola ya Chalumingo, kuhanjika hali echi chindende.

⁵⁷ Jino, etu vosena tunatachikiza Zakaliya hano apwilenga nakuhanjika, mwomwo ikiye ngwenyi, “Kuli nakwiza likumbi lize navakamona kuli Mwata, chipwe likumbi chipwe ufuku; oloze mu chingoloshi nakukapwa Kumunyika.” Jino, kachi etu twatachikijile nge kalyapwile likumbiko mokomoko ufuku, chatelele kupwa na—na—na likumbi lyakulimwanga, muyachi wa likumbi lya mbundu.

⁵⁸ Kaha etu vosena munatachikiza chize kutona chinatambuka kufuma kumututuko mbwe na kumulauko. Kutona chamwa tuli nacho shina China. Kaha kutona kutambuka kufuma ku mututuko mbwe na kumulauko, mwomwo chakavangijile musana, kaha jino etu tukwechi jila yosena yakuya ku Kungenge ya Kumulauko. Kachi etu natuya kulutwe, etu tuli

nakukinduluka Kumututuko cheka, talenu. Shikaho etu tuli kusongo ya jila.

⁵⁹ Etu twafwelela, nge Liuka, nge Mujimbu wamwaza unapu hakamwihi na kukumisa. Etu kufwelela nge vase miluwa vavanene kuhita muvisemunuino, muze mumakumbi amandende, myaka handulendi, kupwa nakuzingila vyuma vyavinene; chize kuvulukila kwoloka ha lufwelelo, Luther; kujilikiwa, hali Wesley; lujimiko lwa Shipilitu Wajila, ha Pendekosita. Etu twafwelela nge vize vyuma kuya nakupwa na mujimba wakukuma, nge kumujimba na kushipilitu.

⁶⁰ Omwo kemba mwasemuka chikuma, chuma muka chatete? Chuma chatete cheji kuhokola, shina meya; chuma chakushisaho, shina manyinga; kaha chuma chakushisaho, shina kuyoya.

⁶¹ Yowano Watete 5:7 ngwenyi, “Kuli vatatu vase vali nakwimanyina Mwilu, uze Tata, eli Lizu, kaha Shipilitu Wajila: kaha ava vatatu vali umwe.” Vakiko *vanapu* Umwe; enu kamweshi kupwa na Tata chakuzeneka kupwa na Mwana, enu kamweshi kupwa na Mwana chakuzeneka kupwa na Shipilitu Wajila. Talenu, vakiko vanapu Umwe. “Oloze kuli vakakusoneka vatatu hano hamavu, meya, manyinga, na Shipilitu: kaha vakiko kwitavila muli umwe.” Vakiko kaveshi umwe, oloze vakiko vali *nakwitavila* muli umwe. Talenu?

⁶² Jino, enu munahase kupwa vakuvulukila kwoloka chakuzeneka kupwa vakujilika; enu munahase kupwa vakujilika chakuzeneka kupwa na Shipilitu Wajila. Talenu? Ou Shipilitu Wajila napu Kumeso a Kulishitu, mu ngolo ja Shipilitu. Jino, etu kumona muyachi wamujimba wamushipilitu, shikaho lize Liuka mu kukupuka na kukula jino: kuvulukila kwoloka, kujilikiwa, lujimiko lwa Shipilitu Wajila. Etu kwiza kaha kuhita mu Chisemunuino cha Liuka lya Muchitanu na kavali, hembu, kufwachisa chize kanawa.

⁶³ Kaha, mujila yikwavo, haze kalamuthu evwa lyehi jize jitepu ya visemunuino vya liuka? Ha lwola lwamakumishilo Ngwapwilenga na vize visemunuino vya kufuma haze ha livaya, kaha Tata wa Mwilu natachikiza echi kupwa muchano, omwo Nangukakumisa na kuwaha Ngunahase, mwishi ya kuhwimina chize Kalunga mwanguhana, uze Kangelo ka Mwata uze enu mwamono muchifwanyisa (vavavulu munamono chize chifwanyisa, keshi ngochoko, chize Kumunyika?), Echi chejile nakushikumuka mukapete, shimbu pamo vathu seli mokomoko fwo handulendi, kuya kusali ya mbango (nge Kumunyika nge chize) kaha kufuma muli chize chisemunuino cha liuka ha Chivene. Etu vyosena kwimana kuze nakutala hali Chize, kutala Chize kufuma chatete mu chisemunuino cha liuka, cha muchivali, chitatu, kaha chamuchiwana, chitanu, chitanu kamwe, na chitanu nakavali.

64 Jino, kuli vathu vanatwame hano vali chinjiho cha chize. Katula livoko lyove kachi echi chili ngocho. Eyi Mbimbiliya ngwayo, “Mukanwa ka vinjiho vavali mokomoko vatatu.”

65 Wosena natwame haze, kutambakana na vyuma vyosena nawa, Ngwambile ngwami, “Kuze! Jino, enu mwatondo kumona Echi, kalamuthu nahase kutala hali Chize.” Leveni koloko ya likumbi, kwimana hazevene hambango, kaha kufumisa vaze visemunuino vya mauka, vili nakulifwana na Shipilitu, kaha jino ize milima kusolwesa nge ize Shipilitu yapwilenga nakulovoka kaha kuya nakuhita mu Chisemunuino cha Milima kaha kwiza nakukinduluka nakushikumuka cheka, kupwa majila Ngwafumishile. Kaha etu tukwechi echi, chifwanyisa chacho, kaha vyuma vyosena vyakufumisa, kusukama hambango. Kaha kuze kwapwilenga chumachivene. Yize yinapunga nge Shipilitu ya Mwata yasuuulukile nge yapwile yakukuma, mwomwo Ikiye akindulukile na kwinjikiza nge chize chapwilenga chakwoloka.

66 Kaha etu tuli nakuyoyela mu Chisemunuino cha Liuka lya Lauchiseya, chisemunuino cha liuka lya luheto luze lweji kushinganyeka nge vakiko vali nakutonda chuma chimwe, kaha kuhona kutachikiza nge vakiko vali uselesele, vakuvindama, tupuputa; kaha vanahono kutachikiza echi, talenu. Jino, vosena vaze, vapwile nakufwanyisa.

67 Jino, uze musana woumwe uze wamunyikilenga muze mu...kututuka kufuma Kumututuko ukiko musana woumwe weji kulaukanga Kumulauko. Jino, echa twimanenu hamunyutu nakwala chikuku chaou mujimbu. Etu tunatachikiza nge musana, uze m-u-s-a-n-a, chize kumunyika cha kufuma kumusana. Oloze M-w-a-n-a Kalunga ejile nakusuluka, mukuwaha cha Kalunga na Kumunyika cha Kalunga, Kumututuko. Kaha etu twapwilenga na myaka tu sauzande jino, kutwanuka kuli Mwata, Ikiye ambile ngwenyi, “Nachiya nakupwa lwola luze keshi likumbiko mokomoko ufuku, kupwa kaha kajimbavenyi; oloze mulwola lwa chingoloshi nakukapwa Kumunyika.”

68 Jino, kachi enu namutalisa kanawa, Shipilitu Wajila aholokele hali vathu va Kumututuko chatete. Jino etu tuli na lwola kaha lwakulinungana liuka kaha makumishilo amandende kupwa nakumbachiwa, kaha maukalu amandende akuzungila. Oloze jino mulwola lwa chingoloshi, kuze ku kungalila ya Mulauko, nakukaya nakupwa Kumunyika. Kaha etu tuli mulwola kana jino! Kutona kwiza nge wamunene kufuma ku Kumututuko, kumbata shili lwola lwosena nge omu nachiza, kaha ikiye kuheta ku Kungenge ya Mulauko nge chivwumino cha mukeleko, kaha ikiye aholokele kunyima, kaha chihela chakupola chize Ngunatachikiza cha Kungenge yaku Mulauko. Kalachuma chize ove unatondo kushinganyeka, vakiko kupwa nacho, shili, kupola, kulukulula, kumbata, Hollywood, uze wina wa hetese! Echi chili vene chakwoloka.

⁶⁹ Ngwafwelela mu Mbimbiliya ya mwenemwene. Kaha Kangwafwelela mukulumbuka na vyuma vya kupola vize vinapu vitalilo vili kumeso avathu, vavuluka kupwa Hollywood. Kaha Ngunapunga lwola lwosena wakufumbukila echi. Kaha Ngwashingtonyeka muthu uze ali na Shipilitu ya Kalunga muli ikiye mwaya nakufumbukila echi, mwomwo Shipilitu ya Kalunga mwaya nakwambulula “echi chakuhenga” kuli ikiye.

⁷⁰ Jino Ngwashingtonyeka chize kupwa umwe wa...Etu twapwilenga na kuya naku Paris nakuwana vitalilo vya mapwevo vauselesele vakulizelula, jino mu Paris kwiza kuno hano nakuwana jetu. Talenu? Hollywood kutwaminyina kaye. Kaha jize jifashoni ja kulizula uselesele tuli najo lelo, kuhambakana France (shinganyekenu hali chize!), chize kupenda, kutenuka, vihela vyakassauthu, kaha Hollywood yahambakana vyosena.

⁷¹ Kaha visaji vyetu vyami vwimbimbi, vyumavyosena vakiko vakwechi vili vya kuhona kutamo, shina kusehesa chamajilo, kaha kulumbuka chakupola, kulyalanga kaha muvyumavimwe. Kaha vathu, uze liyavolo. . . Kahashile kwecha etu kutuma vana vethu ku—kuvimweso vyakumwaka okwo, Etu va Pendekosita vakulivanga, oloze jino liyavolo kuseunukilamo muli numwe kaha kuhaka echi mukwoloka mu zuvo yetu. Munamono? Shikaho ikiye kupwa nakuneha chifwanyisa kusolwesa kwingilamo.

⁷² Jino, kaha echi chili—echi chili nge—nge chuma chakufwa ku—kushinganyeka nge kaye kakwechi kulumbuka, mwomwo vathu vosena vapuho yayipi, mwamono, kaha kupwa kaha nakuhungumwisa muli eyi jila, kwiza na kutona.

⁷³ Oloze lwola lwosena. . . Nguli nakuya nakunangula likumbi limwe hamakumbi awa, nge Mwata netavila, mumakumbi amandende, ha *Chize Kulava nakushikumuna*. ”Munatachikiza, Ngwa—Ngwatalilila enu muli nakujinguluka, kaha shikaho etu—etu kupwa nakumona chize chili nakusoloka. Kalunga napunga wakutela kulinga chumachimwe na Liuka Lyenyi, nawa, lwola lwosena, mwamono, shimbu vyuma evi vili nakuya. Kaha jino etu tuli kulwola lwamakumishilo, twasakwilila Mwata!

⁷⁴ Kala chisemunuino chikwechi mujimbu na muluwa. Kalunga amwene chize. Kala. . . Numbathuhu muvisemunuino vya mauka, etu tunawane nge wosena ali na muluwa, kaha wosena ayoyele muchisemunuino chavo; kaha mukwavo umwe ejile nakwingila, kaha uze umwe ayile nakulovoka; kaha mukwavo kwiza nakwingila; kushikumuka ku chisemunuino cha liuka lya muchitanu nakavali; kala tanganyika, kala kangelo ka liuka, kala muluwa.

⁷⁵ Kaha etu tunawane, ha chisemunuino cha liuka chamakumishilo, mu Kusoloka 10, kuli nakuya nakupwa ndolombita kuvuma, kaha kuze kwapwilenga mazu atanu

nakavali kuhanjika...Vakiko kavavetavijile kuwasonekako. Oloze chapwile vakujika kusali ya Mukanda, tutachikijilo tutanu natuvali kupwa kusali ya Mukanda. Hanyima ya Mukanda vausoneka lyehi, kahajino Vayijika kunyima kuze na tutachikijilo tutanu natuvali. Jino, naumwe pimbi atachikiza chuma muka vakiko vali. Oloze Chahanjikile ngwacho, “Mumakumbi a kangelo wamuchi seveni kuvuma Mujimbu wenyi,” uze ikiye kangelo *wahamavu*, jino.

⁷⁶ Mwomwo *uze* Kangelo ejile nakusuluka kufuma Mwilu; kaha *echi* chapwilenga hano hamavu; *kangelo* napu “muluwa,” muluwa wa chisemunuino.

⁷⁷ Kaha jino etu tunatachikiza nge Ikiye ahakile Ikiye... apwile na kongolo kumutwe Wenyi kaha kuzundula livoko Lyenyi kaha kulishinga hali Ikiye uze ayoya hayamayaka na myaka, nge lwola lwakumu (omu aze mazu atanu nakavali kuhanjika, mikalateta yitanu nakavali kuhanjika mazu acho). Kaha Ikiye avalwekele vakiko, “Kanda kusonekako, oloze Hakaho katachikijilo.” Kaha etu tunawane nge chapwile kusali ya Mukanda.

⁷⁸ “Oloze omwo kangelo wa muchitanu nakavali akumine Mujimbu wenyi, kupolofweta chenye cha likumbi, kahajino mangana akuswamana a Kalunga atela kukuma,” muthu wosena natachikiza eyi Mbimbiliya yahanjika ngachize. “Aze mangana a Kalunga akusweka, omu apwa Kalunga, Omu Kalunga ali, kaha hajila yakwingila mulujimiko na vyuma vimwe, nge vyosena vyatela kukuma muli lize likumbi.”

⁷⁹ Muluwa wosena apwile na mujimbu wenyi, kaha ou—ou mujimbu na muluwa wa chisemunuino. Kaha echi chinapu chuma chakulimanyina cha kala muluwa...Etu tunawane muvisemunuino vya mauka (kaha ufukuuno etu natuya nakukinduluka mu Tesitamende Yamwaka na kuwana nge echi chinapu chuma chochimwe) nge Kalunga mwatuma muluwa wa chize chisemunuino kumakumishilo a lwola; lwola lwosena kusongo, kanda lyehi hakuputukako. Kuze kusongo!

⁸⁰ Jino, chize chisemunuino cha Luther kuhita, jino Wesley kwiza nakwingilamo. Kaha omu Wesley kujilikiwa chahichile, Chisemunuino cha chipendekosita kwiza nakwingilamo. Talenu? Echi chili lwola lwosena muluwa wakusokoloka mujimbu wauhya kusongo ya mwaka. Echi chinapu chisemunuino chosena chize chinalingika. Etu tunatachikiza nge kupwa muchano.

⁸¹ Echi chihilukilaho lwola hilwola kuhita mu Mbimbiliya. Etu tunawane nge mu Visoneka vya kujila, mujila yosena kuhita, chize kupwa kaha makumishilo a chisemunuino chamwaka kaha chachihya kwiza nakwingilamo, chize chisemunuino kuhita kaha chisemunuino chachihya kwiza, Kalunga kutuma muluwa.

⁸² Kaha lwola lwosena—lwola lwosena, kala lwola muluwa mweza, chapwa kusanyika chakukinduluka ku Lizu, kaha kalya

honako. Anuka, Echi chinapu kusoloka chakukuma cha Yesu Kulishitu, kakweshi kupwa chuma chakuhakilako kuli Echi mokomoko kufuma kuli Chize. Echi chinapu kusoloka cha Yesu Kulishitu. Kaha jila kaha etu tunahase kupwa vakukunyuka: kachi kalachuma kukatuka mukachi ketu chize chakulimbilaka na echi kusoloka, jino chili chakuhenga. Talenu? “Kuhilwisa kunyima ku Lizu!” Kaha lwola lwosena kusanyika kukinduluka kunyima.

⁸³ Kaha muli kala mulonga mu Chisoneka, kala mulonga, Kalunga eji kuzachisa kapolofweto kusanyikanga chize chisemunuino kunyima, lwola lwosena. Nduma-. . .Nduma, keshi lwola lumwe kuhona, Ikiye lwola lwosena eji kutumanga na—na kapolofweto! Kaha jino mwomwoika Ikiye mwalinga ngachize? Mwomwo Mbimbiliya ngwayo, “Napu kapolofweto kuze Lizu lya Kalunga lyeji kwizanga,” uze mukakusolola lize Lizu.

⁸⁴ Jino, Ngwa—Ngwa—Ngwafwelela nge Kangweshi kuhona kwivwushisa. Talenu? Kangweshi nakutwala kuhona kwivwushisa, oloze Ngwatwale kupwa wakushishika na kushishika kusanyika. Etu twatondo kupwa ngachize.

⁸⁵ Jino, Kalunga lwola lwosena eji kuzachisanga nge—nge kapolofweto, muthu. Kachi enu namuzachisa lizavu lya malunga, enu namumbata vishinganyeka vyakuhandunuka; talenu, kala muthu, malunga vavali. Kanda lyehi Ikiye apwenga na tupolofweto vavali vavanene hano hamavu halwola lumwe. Ikiye eji kumbatanga umwe, shikaho mukwavo nahase kumbata chihela cha likumbi likwavo, mujimbu ukwavo. Ikiye kanda lyehi apwenga vavali, Ikiye ali na lwola lumwe.

⁸⁶ Kaha Kalunga wakuzeneka maputukilo na makumishilo kanda lyehi alumuke kwala kwala Chenyi, Ikiye atela lwola lwosena kutwama na chuma Ikiye aputukile na chize. Ou ukiko mulonga etu tunahase kupwa nalufwelelo muli ovyo Ikiye ahanjikile, Ikiye keshi kuhasa kwalumukako. Kachi Ikiye amulwilile muthu ha chikuku cha lufwelelo muli Kalunga, muthu wakushisaho atela kupwa wakulwiliwa jila yoyimwe.

⁸⁷ Omwo Kalunga atangile chihela kuze Ikiye nahase kulikata na tengeso Yenyi, Alama kweseka kulitungila jila yenyi ivene, kaha kulitongela mafwo amukuyu ikiye na pwevo lyeanyi, kulitongela mapepo. Kalunga kukana chize. Kaha Kalunga asakwile kwala chihela mokomoko chikuku Ikiye mwakaya nakuliwana na muthu na kulikata na ikiye, kaha chize chapwile kumwanga manyinga. Kaha Ikiye kanda lyehi alumuke kuli chize.

⁸⁸ Jino, nge Mesondisiti kutwala ku Mbaputishiti, etu tunahase kulinyaka mumavoko. Oloze ha chikuku mukachi ka Mesondisiti na Mbaputishiti etu katweshi na vyuma vyakulifwanako, Nguli nakukokela ku Mbaputishiti kaha ove kukokela ku Mesondisiti,

mokomoko kutambasana. Oloze kuli chikuku chimwe kuze vakakufwelela vosena vanahase kuliwana, chize chili mwishi ya Manyinga. Omu mukiko etu natukaliwana na kuhaka kusali vyuma vyosena. Shikaho etu katweshi vosena nakwiza nakwingila mu chikungulwilo chimwe, etu katweshi kulinga ngachizeko.

⁸⁹ Awa mazavu amandende, Ngwashinganyeka Kalunga napunga muli chize, chuma chosena. Oloze vathu... mwomwo etu twapwa vakuhandunuka. Kala muthu kumona mwakuhandunuka, kalamuthu kumona mwakuhandunuka, kwauchi vishinganyeka vivali kupwa mwomumwe. Kwauchi vathu vavali kupwa mukukupuka mumwe, vakiko kuliyuluka; kwauchi mazulu avali, kwauchi kufwachika chivali. Talenu, etu vatutunga mwakuhandunuka, mujila etu twatela kupwa na mazavu akuhandunuka.

⁹⁰ Oloze Kalunga lwola lwosena kuzata na muthu hakapanji. Ikiye kakulwila ove mwomwo ove unapu ka Mesondisiti; Ikiye kakulwila ove mwomwo ove unapu ka Mbaputishiti; Ikiye kakulwila ove mwomwo ove unapu Pendekosita. Ikiye akulwila mwomwo Ikiye nazata na *ove!* Kaha ove vanakulwili ha chikuku, nge ove unachitavila. Shikaho shikangaho, Kalunga, kuzata na ove, Ikiye kazata na oveko muchiyulo cha liuka Lyenyi, Ikiye eji kuzatanga na ove nge hakapaji.

⁹¹ Shikangaho omwo Kalunga atumine tupolofweto Twenyi, miluwa Jenyi va Tesitamende, Ikiye ahanjikile kuli muthu umwe, kaha uze lunga atela kuneha Mujimbu. Veka vayile kufuma kuli ikiye, kwosena, kuneha Mujimbu woumwe. Oloze kuze kwatela kupwa jiheadquarter. Kalunga lwola lwosena kupwa na chize. Ngunasakwilila Ikiye ali nacho ufukuuno; uze ikiye Shipilitu Wajila, mukiko vene, etu vosena tunatachikiza. Jino, keshi lizavu limweko, oloze Shipilitu Wajila napu Jiheadquarter ja Kalunga. Uze ikiye Muluwa wa Kalunga wa ola.

⁹² Jino, mwomwo echi chili, kuli kapolofweto kukiko Lizu lwola lwosena lyeji kwizanga, kachi vakiko vanapu kapolofweto wamuchano wa Lizu, Kalunga kwinjikiza Lizu Lyenyi nauze kapolofweto.

⁹³ Jino, kunapunga tupolofweto vakwonga vavavulu, etu twapwilenga navo kuhita muvisemunuino vyosena. Etu natuya nakukindulukuka ku Tesitamende Yamwaka, talenu vakiko kukatuka na kuhanjika mu Lijina Iya Mwata, kaha chapwile—kachapwile chakwolokako. Kalunga kachi keshi nachuma chakulinga na echiko. Ikiye kanda ejikize chumachimwe kuvangila Ikiye Lyavene Lizu. Ikiye—Ikiye kahashile kutetekela mulimo Wenyi ngachizeko. Talenu?

⁹⁴ Enu anukenu kaha, Kalunga kwinjikiza Lizu Lyenyi! Kaha kuvangila kapolofweto wamuchano ikiye. . . Kaha jila kaha ove

unahase kutachikiza nge ikiye napu wamuchano mokomoko nduma, shina na Lizu. Ize ikiko jila mwakumutachikiza.

⁹⁵ Jino kachi enu namutalisa kanawa, nge mumakumbi omwo—omwo Mikaya, kuze kwemanyine tupolofweto fwo handulendi tupolofweto vachi Hepelewu, shimbu kanda Ahave na Yehoshafwate, kaha ngwenyi, “MUKIKO MWANAMBE MWATA, ‘Yako kanduka kaha ufukila.’” Mukuputuka vapwilenga vakwoloka. Jino Mikaya vamusanyikile muli luno lwola, uze umwe vajinjile. Jino, chasolokele nge kachi. . . Fwo handulendi (Kangweshi—Kangweshi nakutwala nge tupolofweto va Mbale) Tupolofweto vachi Hepelewu kwimana na kujina chimwe, kaha ambile ngwenyi, “Yako kandika ku Lamote ya Ngilyate, Mwata mwaya nakukukisula kaha ove muya nakufukila.” Kaha vaze malunga kavapwilenga vakakulyongako, vakiko vapwile vene vakuhwimina! Oloze vakiko. . .

⁹⁶ Kahajino mwomwoika ou mukweze umwe wamundende ejile mu lijina lya—lya Mikaya, uze apwilenga mwana Imlah, kaha ikiye ejile nakupolofweta mwakulimbalka na vakiko? Jino, chize chinatondeka kwimana, chinatondeka kukunyuka. Talenu? Oloze ikiye atachikijile ngachilihi nge apwilenga wakwoloka? Kachi enu mwapwile vakwimana kuze, nauya ngachilihi nakutachikiza echi? Jila kaha ove unahase kulinga, shina kumbata chumamuka muthu mwahanjika na kupezalisa na Lizu. Talenu? Jino, Mikaya apwile vene ha Lizu, mwomwo Elija, uze kapolofweto wamunene uze apwilenga na Lizu lya Mwata, ikiye ashingile Ahave na Yezevele na vyosena. Talenu? Kaha omu chahashile Kalunga kwaluuka kaha kukisula chuma ikiye ashingile? Talenu, shikaho kachahashile kuzachiwako.

⁹⁷ Jino, etu tunawane nge Kalunga kwinjikiza Lizu Lyenyi. Lize lizu lya kapolofweto, kachi ikiye napu kapolofweto, kahajino echi chili. . . ikiye ali nakuhanjika kutesekeka na Lizu. Eyi Mbimbiliya ngwayo muchihela chimwe, ngwenyi, “Kachi vakiko navahanjika kutesekeka na lushimbi na tupolofweto, kakweshi Kumunyika muli vakiko.” Jino kuvuluka. . . Jino muluwa eji kusanyika nakufumisa vaze Vamwe vakusanyika nakulovoka. Ikiye ali wakwoloka ha Lizu lya Kalunga, kwinjikiza nge ikiye ali wakwoloka.

Talisenu, talisenu, jino etu natuya nakutala veka nawa kaha ivwulilenu.

⁹⁸ Nowa apwilenga chinjiho cha Kalunga ha lwola lwalivaji lwamakumishilo. Jino, talenu omu mujimbu kupwa vakulimbalka na lwola lwakaye lwalivaji. Mwomwoika, uze lunga vamuvulukilenga kupwa wakuzaluka. Mwomwoika, ikiye. . . Oloze, ohonyi, ikiye apwilenga vene na Lizu lya Mwata. Jino, Kalunga ahanjikile Ikiye “kahashile kwitavila shili ko,” shikaho Ikiye. . . omwo vathu vaputukile kuvulumuna, kahajino

Kalunga ejile nakusuluka na Nowa anangwile mujimbu wa lwola lwamakumishilo. Omwo chapwile? Shimbu kanda lwola lwamakumishilo, ou muluwa akatukile. Kalunga atumine ou kapolofweto na mujimbu lwola lwamakumishilo. Kaha ikiye apwilenga wakusehewa, wakutenukila, kumulingisa kupwa wakuseha, kaha kulwila kaha vakuzuvo yenyi ivcene vakiko alwilile. Echi chakwoloka. Naumwe pimbi mwahasa kufwelela ikiye. Oloze ikiye apwilenga na mujimbu wa makumishilo. Jino, vosena vaze kavafweleleko vavapayishile, kaha vaze vafwelele mujimbu vavalwilile. Kalunga avahanyine Kuyoya kaha vakiko vavalwilile, kaha vamwe vaze vahonene kufwelela Chize chajimbalile.

⁹⁹ Jino, Nguli nakweseka chumachimwe. Talisenu Kalunga, omu Ikiye nalingi echi kapapa katatu.

¹⁰⁰ Kaha seli ikiko nambala yakukupuka ya Kalunga. Kalunga akupuka mutatu, nge, “Tata, Mwana, na Shipilitu Wajila,” kaha “kuvulukila kwoloka, kujilikiwa, lujimiko lwa Shipilitu Wajila.” Ikiye akupuka, mwomwo *seli yinapu* “kukupuka.” *Faifi* yinapu nambala ya “likoji.” Seveni ali... Nambala ya “kulifukula,” *twolufu*. *Fwote* yinapu nambala ya—ya “kuyanjisa.” Kaha *fifite* yinapu “kusokoka,” kulifukula. “Pendekosita” kulumbununa *fifite*. Kaha, makumbi fwote Mose vamwesekele, makumbi fwote Kulishitu vamwesekele, mwamono. Kaha miyachi yosena ize. Jino, Kalunga napu wakukupuka mutatu.

¹⁰¹ Kuze kuli kwenyeka chitatu. Umwe wavo, omwo Nowa ayile *nakwingila* muwato; lwola lwamuchivali, Lote ejile *nakulovoka* mu—mu Satome. Tala, Yesu avanyikilile kuli vakiko, “Nge muze chapwile mumakumbi a Nowa na mumakumbi a Lote, shikaho mukiko nachikapwa na kwiza cha Mwana muthu.” Tala! Umwe ayile *nakwingila*, mukwavo ejile *nakulovoka*, kaha kuya *nakukanduka*. Huu-hu. Talenu? Huu-hu. Kuya *nakwingila*, kwiza *nakulovoka*, kuya *nakukanduka helu!* Jino, echi chinapu chiyulo cha Mwata. Talenu, Yesu avanyikilile kuli vaze tupolofweto vavali. “Nge muze chapwile mumakumbi a Nowa,” talenu, “kaha nge muze chapwile mumakumbi a Lote,” Apalahama kupwa kapolofweto, “nge omu chapwile, shikaho mukiko nachikapwa nahakwiza cha Mwana muthu.” Talenu, kotalisa kunyima kuli vakiko.

¹⁰² Jino, Mose, kapolofweto mukwavo, kusongo ya chisemunuino cha Ejipitu. Etu tunawane nge omwo Kalunga apwile nakuya nakusokola vathu Jenyi, kaha Ejipitu avajihile vakiko chikuma, kaha kuvalingisa kupwa vakakuvazachisa, vamyata javo, mukiko kaha. Kaha shikaho jino shimbu kanda kwenyeka chavo, Kalunga, nge lwola lwosena, Ikiye atumine kapolofweto na Lizu Iya Mwata. Anuka, uze kapolofweto apwilenga vene nakusoloka nge Kalunga (myaka handulendi shimbu kanda chize, fwo handulendi na chumachimwe shimbu kanda chize) vamushikile Apalahama, ize mbuto

yenyi nayikatambuka mulifuchi lya ungeji, oloze Ikiye mwakavaneha na livoko lyaundume. Munatachikiza, kuze ku chiputa chakuwema omwo Mose aliwanyine na Kalunga, kaha Ikiye ahanjikile kuli ikiye, “Ngunevu kulyonyinga cha vathu Jami, Ngunamono kuyanda chavo, kaha Ngunanuka chivwasano Chami.” Anuka Lizu Lyenyi!

¹⁰³ Anuka, Ikiye hanga kwanuka Lizu Lyenyi! Talenu? Ikiye kahunako, Ikiye atela kulinga chuma chochimwe lwola lwosena. Mulonga Ngulinakuhanjika vyuma evi, shikaho etu tunahase kukinduluka muvishinganyeka vyenu na kushinganyeka, enu, naenu vathu vanapu vakuviza. Enu talisenu Ngwahanjikanga *hakupwa* mukakuviza.

¹⁰⁴ Jino, talisenu jino, enu vathu vosena mwatela kwanuka echi, nge Kalunga keshi kuhasa kwalumunako! Ikiye napu Kalunga wakuzeneka kwalumuka. Lwola kwalumuka, vathu kwalumuka. Kalunga apwa wakuzeneka maputukilo na makumishilo, Ikiye keshi kuhasa kwalumunako! Ikiye. . . Ikiye atela kupwa youmwe, zau, lelo, hayamyaka, Ikiye atela kupwa lwola lwosena. Kaha kachi etu twafwelela Echi kupwa Lizu lya Kalunga, etu tunahase kuhaka lufwelelo lwetu hakala chuma chize Ikiye ahanjikile. Talenu?

¹⁰⁵ Jino, enu talenu omu mujimbu Wenyi kwiza, omu Ikiye eji kutumamnga mujimbu Wenyi. Ikiye keshi kuhasa kwalumuna chizeko, Ikiye lwola lwosena alinga. Ikiye atela lwola lwosena kupwa mwomumwe. Eyi ikiko jila Ikiye mwaya lwolalwosena kuli chize. Jino, anuka, omwo Ikiye mwachilinga? Shimbu kanda kwenyeka, kumakumishilo a chisemunuino. Omu mukiko Ikiye eji kutumanga mujimbu Wenyi kusanyika vathu Jenyi, (vakiko lwola lwosena veji kupwanga vakulifutula), kaha hano vakiko vejile.

¹⁰⁶ Jino, mumakumbi a Mose, vase vakakufwelela vavalwilile, vakakuzeneka kufwelela vanongele.

¹⁰⁷ Uze umwe afwelele mujimbu wa Mose kufuma kuli Kalunga, jino, vakiko kachi kavachilengileko kuvangila Mose vamwinjikize kuli Kalunga kaha kwinjikiza nge Lizu lya Kalunga lyapwile na ikiye. Uze amutengele kupwa kapolofweto. Ikiye kulovoka kaha ikiye ambile ngwenyi, “Hamene pamo luno lwola, ove muya nakumona *munganji mukananga* kusoloka.” Hamene, chasolokele. Chize chapwile chosena. Kala kapolofweto wamuchano wa Kalunga uze eji kuhanjikanga mu Lijina lya Mwata mwaya nakuchilinga. “Kaha nahiya nakusoloka nge *munganji mukananga* kuya nakusoloka. Nguli nakuya kuli Fwalo, oloze ikiye mwaya nakukakama, kukakamisa muchima. Ikiye mwaya nakuhanjika ikiye mwaya echa tuyenu oloze ikiye keshi kuchilingako.” Kaha, chejile nakuhita. Talenu? Mwomwoika? Kahajino vathu vatachikijile nge muthu vamutuma kufuma kuli Kalunga. Kaha

jino vakiko vaputukile kumona nge Kalunga amukiswile, kaha vakiko vamuvumbikile ikiye kaha, omwo vakiko valingile, vyuma vyavinene kusoloka.

¹⁰⁸ Kaha vathu vase vasehele kaha kumusekeleka kaha kupwa nakwitavila mujimbu wenyi, vakiko vanongele na vosena vakakuzeneka kufwelela.

¹⁰⁹ Oloze vase vakakufwelela kuya nakulovoka na kwingila mulifuchi lyalushiko, vakiko vayile mwishi ya mujimbu wakuwavisa wa muluwa. Wapwile mujimbu wa kusokoka, nge Kalunga ashikile Ikiye mwaya nakuneha vathu Jenyi kulifuchi kuhingununa na mavele na uchi. Kaha chasolokele, mwomwo Kalunga tele nahanjika ngocho, kaha Mose ejile kaha apwile wakwinjikiza nge muluwa wa lize likumbi.

Jino, chize cheji kuneha hatoma kuli etu.

¹¹⁰ Chosena chakwoloka, kahajino etu tunawane nge Mose apwile wakusolola.

¹¹¹ Kaha jino ha kwalumuka cha chisemunuino, lwola lwejile ha . . . mukachi ka lushimbi na likoji. Kuze kwatela kwiza lwola luze Meshiya ahanjikile kupwa nakwiza. Etu tunawane lwola luze vathu vanalumuna lushimbi, vatungile mwishi ya lizavu lyalinene lya chumachimwe, kaha kupwa na miyachi yosena ya—ya visemwa vya vathu, vakiko vengishilemo. Ha kwalumuna cha lwola luze Yesu, Kapolofweto mukwavo, Kapolofweto wa Kalunga.

Jino, enu ngwenu, “Ikiye kapwile kapolofweto ko.”

¹¹² Eyi Mbimbiliya ngwayo Ikiye apwilenga. “Ou Mwata Kalunga kenu mwakaya nakukatula Kapolofweto wakufwana nge yami.” Ikiye apwilenga Kapolofweto wa Kalunga, ha kwalumuna cha lwola mukachi ka lushimbi na likoji, nge Ikiye ahanjikile hali evi myaka yosena. Hanyima Ikiye ahanyine lushimbi kuli Mose, kahajino kwalumuka cha lwola, omwo Ikiye ahanjikile nge nachiya nakulingika, kahajino Ikiye akindulukile ku likoji. Kaha Ikiye atumine Kapolofweto kupolofweta ha lwola. Jino—jino, vakakufwelela, Ikiye avajikile vakiko; vakakuzeneka kufwelela vanongele mulikumbi Lyenyi. Vosena vafwelelele hali Ikiye vamulwilile; vosena vase vahonene kufwelela mujimbu Wenyi ajimbalile.

¹¹³ Chize chikiko chasolokele mumakumbi a Nowa; chize chikiko chasolokele mumakumbi a Lote; chize chikiko chasolokele mumakumbi akwavo, makumbi a Mose; chize chikiko chasolokele mumakumbi a Yesu Kulishitu. Mwomwo vakanyine mujimbu kaha vanongele, kaha vase vafwelele ou mujimbu vajimbalile . . . mokomoko vavalwilile.

¹¹⁴ Jino, jino, kahajino kwiza chisemunuino cha liuka. Etu twayoyele kunyima muze lwola lwa Nowa, lwalivaji; etu kwiza nakwingila muchisemunuino cha lushimbi; jino mu chisemunuino

cha likozi, lize liuka. Kaha jino chisemunuino cha liuka chili makumishilo. Etu vosena tunatachikiza chize.

115 Jino, kachi Kalunga alingile *mungaji na mukananga* muli chize chisemunuino, muli aze visemunino vyeka vivali, Ikiye atela kupwa mwomumwe na kulinga chuma chochimwe muli chino chisemunuino, mwomwo Ikiye ambile ngwenyi Ikiye mwaya nakuchilinga. Nanguya nakwinjikiza echi muminyutu yayindende, ha Lizu, nge Ikiye ahanjikile Ikiye mwaya nakuchilinga. Jino, Ikiye keshi kuhasa kwalumuna kwala Chenyi ko, Ikiye apwa Kalunga. Talisenu chuma Ikiye alingile muze muchisemunuino.

116 Jino etu kwiza ku chisemunino chaliuka cha lwola lwamakumishilo. Muze mukiko Ngwatanganga ufukuuno:

Nakukapwa Kumunyika mulwola lwa
chingoloshi.

117 Etu tukwechi lwola lwakulisala, oloze kuli nakwiza Kumunyika. Uze Mwana youmwe ejile na kwalumuna chisemunuino jino, kwiza cheka! Chize nachiya nakufuma hamavu nakuya Muupahu. Etu natuya nakupwa muze. Lwola lumwe etu twatondo *kwingilamo*, lwola lukwavo etu *kulovoka*, kaha lwolaluno etu kupwa nakuya *helu!* Talenu? Chosena chakwoloka: mukwingila, kulovoka, helu. Etu tuli nakwiza kumakumishilo. Kaha etu katweshi kaha kwiza kahako, etu tunahete lyehi. Etu tuli kulwola lwamakumishilo!

118 Chumamuka Kalunga nawane muno mulwola lwamakumishilo? Kalunga nawane muno mulwola lwamakumishilo kupwa kaha chuma Ikiye awanyine mulwola lweka, kuzeneka kufwelela! Ikiye lwola lwosena napunga chize, Ikiye, omwo Ikiye mwakeza, Ikiye—Ikiye mwawana kuzeneka kufwelela. Ikiye nawane nge kwala chize Ikiye alile hamavu kuli vathu . . .

119 Kunyima kuze mu lwola lwa Nowa, kachi vakiko navayoya hanyima ya chiyulo Chenyi, ahanyine milambu. . . Vakiko vafumine kuli chize. Omwo Ikiye ejile, Ikiye awanyine echi, chize chuma cheji kuzatanga mwakuhenga.

120 Chuma chochimwe Ikiye alingile omwo Ikiye ejile hano hamavu, Ikiye awanyine vathu na va Fwaliseu, na vyangocho, hanyima ya lushimbi. Chumamuka vakiko vapwilenga nakulinga? Kupwa kaha vakushishika muvumavyosena, kupwa kaha nakutwalilaho na kungulumuka kuhita mukala jila, kaha “Kachi kaha vakiko valinungile na liuka, kaha mukiko kaha vakiko vatondele.” Kaha omu mukiko Ikiye vamuwanyine.

121 Kaha omu mukiko Ikiye vamuwanyine cheka! Ikiye nawane chuma chochimwe, vathu kavalumukileko. Shikaho kachi Ikiye atumine kwala Chenyi kaha vathu vakanyine kufwelela chize kuze kaha vakiko vanongele, vaze vafwelelele chize kaha

vayoyele, (jino, hali avavali), chatela kupwa chochimwe halwola luno. Chatela kupwa chochimwe. Nduma. . .

¹²² Echi chili lwolalwosena kuzungisa muluwa kuhandununa vyamwaka kuvwavihya. Echi lwolalwosena kuzunga, mwomwo—mwomwo uze muluwa kwiza nakuhandununa vyamyaka kuvyavihya, chipwe lwola lwosena uze mujimbu naupwa wamu Chisoneka, jino, nangulweke veka kwiza.

¹²³ Jino, echa tumbate, chakutalilaho, Yesu. Omwo chapwile chachikalu, Ikiye kwiza nakwingila na kwalumuna mujimbu kufuma mujishimbi ja likoji. Oloze eyi Mbimbiliya yahanjika nge nachiya nakwiza mujila kana, “Kuze nakuya nakupwa nge—nge Meshiya, kaha uze mulambu wahakumbi hakumbi vatela kuufumisako.” Kaha etu tunatachikiza nge vapolofwetele kuhichila muli tupolofweto. Chuma chachinene chapwile hali Ikiye kulinga chize. Oloze etu tunawane nge Ikiye achilingile. Kaha umwe. . . Ikiye achilingile mwomwo Chisoneka ngwacho, kaha vakakufwelela valize likumbi (vavuluka kupwa vakakufwelela) mukiko vene kaveshi kuhasa kwitavila Ikiye ko.

¹²⁴ Tala hali vaze va Fwaliseu, Sanduke, vakiko vapwile na visemwa vyavo kaha naumwe pimbi mwaya nakuvanyikisa kufuma kuli chize. Chize chikiko vafwelela, nevo kufwelela chize, tata yavo kufwelela chize, kaha kaka yavo walunga, kaka wapwevo afwelelele chize, nge “Mose ahanjikile ngocho!” Oloze Mose youmwe uze ahanyine lushimbi apwile Mose youmwe ambile ngwenyi ou Mukweze mwaya nakwiza, kaha vakiko vahonene kutachikiza chize mwomwo vakiko vapwile na Lizu lya muchano lya Kalunga mu visemwa kaha asele lushimbi lwatete lwa Chize. Kaha chatela kupwa mujila kana.

¹²⁵ Talisenu, umwe vosena kuvalweka namukwavo kuya nakwiza. Umwe wa miluwa, hanyima ya mujimbu, kuvalweka nge nachiya nakwiza. Jino, oloze vathu lwola lwosena veji kumbatanga mujimbu wa likumbi lize vakiko vapwilenga, vakiko kuchihaka.

¹²⁶ Echa tuchihokole, chindende kulutwe, echa kutala kuli Luther. Omwo Luther anangwile kuvulukila kwoloka ha lufwelelo, ikiye apwilenga muluwa, uze kangelo ka chisemunuino cha liuka, chosena chakwoloka, cha Chisemunuino cha Liuka lya Salute. Jino, talisenu, omwo ikiye anangwile, ikiye ahakile Luteleni muchiyulo. Jino, jinonyi, hano apwile Luther kuchitanduula. Kaha omwo Wesley ejile nakwingila, Chisemunuino cha Liuka lya Fwilatelefwa, na mujimbu wa kujilikiwa, mwomwoika, chapwile chachikalu kuli Luther kumona chize. Vakiko Luteleni kavahashile kufwelela chizeko.

¹²⁷ Kaha jino omu Wesley avatulikile hamavu nakuvaneha ku Pilgrim Holiness kaha Free Mesondisiti, kaha navyangocho, ha kujilikiwa, na kutwalilaho naha kwiza cha mujimbu

wa Chipendekosita, mwomwoika, chapwile chachikalu kuli va Mesondisiti kufwelela chize. Huu-hu, punduvene, mukiko chapwile. Talenu, echi chili . . .

¹²⁸ Oloze umwe kuhanjika hali mukwavo, Visoneka kuhanjika. Enoki vamulwekele kwiza chakwinyeka, na kuhukula chenyi, Kalunga kumubata nakumutwala kwimbo; ikiye apwilenga chinjiho. Apalahama avalwekele vakiko hali Mose. Kaha Mose ambulwile Meshiya. Talenu, vakiko veji kutwalilaho kwambulula, umwe namukwavo. Meshiya ahanjikile ha lwola luno, kwambulula chuma muka echi nachipwa!

Enu ngwenu, “Ha, Ndumbu walunga Branham!”

¹²⁹ Mamalelo, eyo, Ikiye alingile! Echa kaha . . . Ngukwechi Visoneka vyavivulu vyakusoneka hano, kaha Nanguya kaha nakutwala kuli vavali mokomoko vatatu vavo. Echa tumbate Mateu 24. Jino echa tumbate Mateu, kapetulu 24, na kutanga chuma Ikiye amulwekele nge mwaya nakusoloka, omu “Mafuchi nawakaya nakukatuka nakufumbukila lifuchi.” Oloze, anuka, kahajino Ikiye ayile kuze kaha Ikiye ngwenyi, “Nge muze chapwile mumakumbi a Nowa, kaha nge omu chapwile mumakumbi a Lote, shikaho mukiko nachikapwa na kwiza cha Mwana muthu.” Ikiye achipolofwetele, Ikiye apolofwetele vyuma navikaya nakusoloka!

¹³⁰ Ikiye ambile ngwenyi, “Jino, omu vyuma vyosena navikasoloka, lwola lunahete,” na vyangochi. Oloze ngwenyi, “Kulinangula chishimo cha mutondo wamukuyu, omwo uli mukweze na kusoka mitango, kaha mitondo yikwavo, jino munatachikiza nge nonga ili hakamwihi. Chochimwe, omwo enu namumona echi kwiza nakuhita, kutachikiza lwola lunapandama, numba kuchikolo.” Jino, omu enu namumona chumamuka? Uze mukuyu uli nakusokolokela, m kaha kala mitondo kuputuka kusokololekela, echi chinapu chinjikizo. Kaha Isalele lwola lwosena napunga mutondo wamukuyu.

¹³¹ Yowele apolofwetele echi, “Chize vanaseze vasenya, vambimba makumbi vanali kaha twalilaho nakushikumuka. Oloze Kalunga ashikile, ‘Nanguya nakutungulula, mukiko mwanambe Mwata.’” Kaha Ikiye mwaya nakuchilinga. Oloze shimbu kanda Ikiye ahase kutungulula mujila ya mushipilitu, lize Liuka lya Vakamafuchi eka na eka kulifumisako. Ikiye keshi kukahase kupwa navavali halwola lwolumwe. Jino, enu kamweshi kupwa na Chisoneka chakuchongonona nge ngachize. Talenu? Ikiye kanda lyehi apwenga na vinjiho vavali lwola lwolumwe, vinjiho jainene, kaha Ikiye kanda lyehi apwenga—Ikiye kanda lyehi . . . Ikiye kapwile na Mauka avali halwola lwolumweko.

¹³² Tachikizenu, echi . . . eli Liuka lya Vakamafuchi eka na eka vatela kuchifumisako chatete, mwomwo va Yuleya, kahajino makumishilo a Jisemana makumi atanu na avali a Ndanye

kusoloka. Myaka yitatu na chimbwa cha Meshiya apolofwetele, kaha jino Ikiye vamuvatwileko, uze Mwangana, mukachi ka semana ya mulikumi na jivali. Kaha, jino, kuze kuli jisemana jitatu na chimbwa jasaleko. Kaha etu tunawane tupolofweto vavali va Kusoloka (Talenu, Ikiye kanda lyehi alumuke chashi Chenyi cheka.), wa Kusoloka 11, kwiza na maupolofweto kuli va Yuleya. Jino, lize Liuka navakaya nakulifumisako muli luze lwola.

¹³³ Kaha etu twamono Isalele, lwola lwatete ha myaka handulendi, pamo ha myaka tu sauzande, ali jino nakwiza nakupwa lifuchi; maswalale jenyi ivene, mali eyi. Isalele mulimbo lyalushiko; lifuchi lyenyi, ndembele yenyi ivene, yakupandama ku United Nations. Ikiye napu lifuchi! Mwomwoika, echi chinapu chinjikizo chachinene chize etu tunahase kushinganyeka, hano vene, Isalele mulifuchi lyavo. Kaha Yesu ambile ngwenyi, “Chize chisemunino nachikamona Isalele kukinduluka kwimbo lyenyi kacheshi kahitako palanga vyuma vinazalishiwa.” Talenu, Ikiye ahanjikile likumbi lize.

¹³⁴ Echa ngumihane chikwavo. Mu Chimoteu Wamuchivali 3, Ikiye ahanjikile ha liuka ha lwola lwamakumishilo, ngwenyi, “Vakiko navakapwa vakakulivwimba, vakakulivwimba, vakakuzanga chiseke kuhambakana kuzanga Kalunga.” Mbata liuka lya kaye, kuze, “kuzanga chiseke kuhambakana kuzanga Kalunga,” kutwama hembo kaha nakutala ha kwala cha mivwimbimbi kachi kuya kukuliwana cha kulomba ha ufuku wa Muchitatu.

Enu ngwenu, “Uze ikiye Mbaputishiti.”

¹³⁵ Chize chinapu Chipendekosita! Punduvene! Eyo, mwane. Mamalelo! “Vakakulitujola, vakakutangalala, vakakuzanga chiseke”; haka Lizu mukwoloka mwishi ya lizulu, vakiko kaveshi kukatala hali Echiko. Huu-hu. “Kuzanga chiseke kuhambakana kuzanga Kalunga”; kulweka mapwevo nge vakiko kavatela kuteula jikambu javo, vakiko veji kujiteula mwosena omwo. Huu-hu. “Vakakuzanga chiseke kuhambakana vakakuzanga Kalunga, vakakuvangijikila vakwavo, vakamakuli, vakuzeneka kuunda, kaha vakutoleka vaze vinapu vyakwoloka. Hakupwa . . .”

Enu namuhanjika, “Chize keshi vakakutahisa.” Nduma! Nduma!

¹³⁶ “Kupwa na kufwana chakumukomoka kalunga, oloze kukana Ngolo jacho,” ize Ngolo ikiko najikulwila kufuma mukukwenyeka, mukaye nazachiso iliko. “. . .Ngolo ngocho; kufuma mukwalumuka.” Kanda kuzakamako vathu vosena navahanjika ngwavo, chili nge muthu hakapanji kumeso a Kalunga, ove watela kukumbulula. Chipwethuhu chumamuka aze mapwevo mokomoko vaze mapwevo veji kulinganga, mokomoko, ou lunga eji kulinganga mokomoko uze lunga eji

kulinganga, mokomoko, ou mukakunangula ngwenyi mokomoko uze mukakunangula ngwenyi; ali ove na Kalunga. “Kupwa na chifwanyisa,” hanyima ya chisemwa, “oloze kukana Ngolo jacho; kufuma mujila kana.” Etu tuli nakuyoyela muli lize likumbi? Etu punduvene tuli!

¹³⁷ Tala cheka muchisemunuino chamakumishilo. Ou Shipilitu Wajila, Yesu Lyavene, “Yami Yesu atumine kangelo Kami kwambulula vyuma evi.” Kaha Kusoloka, kapetulu 3, kuhanjika hali chino chisemunuino, Yesu kuhana unjiho wa chuma muka nachiya nakusoloka mumakumbi akumakumishilo, Ikiye ambile ngwenyi, “Eli liuka naliya nakupwa luheto, Lauchiseya, salusalu,” vanahase kutumbuka nakujinguluka omwo myaso ili nakwimba kutambakana. Talenu? Echi chakwoloka. Oloze haunjiho na kuyoya chize nachiya nakupwa hatoma, chili kwakusuku kufuma kuli chize.

¹³⁸ Kangweshi...Kangweshi kukolesa ove hachumako, oloze Ngwapwanga na chimweno chakushimbula nakutwalilaho hakupwa mu Palachise ya Kalunga. Kangweshi kuhasa oloze kumilweka enu Muchano. Kalunga, tukafweko vakakuzata kupwa wakushishika muli evi vyuma na kulweka Muchano!

¹³⁹ Talenu? “...?...kututa...” Eyi Mbimbiliya ngwayo vakiko navakapwa mujila kana, shikaho vakiko vali nakuya nakupwa mujila kana. Kachi nachiveta mwakukupuka na Luther, chamuvetele kukupuka na...mu Chisemunuino cha Fwilatelefa na Wesley, echi chatela kuhanjika echi kaha pwenu vakukupuka...Echi vanachihanjika, kaha nachiya nakupwa vene mujila mu Lauchiseya.

¹⁴⁰ “Kupita, kavatonda chumako!” Etu tunahase kuhaka jimbiliyoni ya mandola muno muzuvo, etu tunahase kuhaka vyuma vyosena vize—vize kala...kaye, etu tunahase kutunga mauka amwaza. Echi chakwoloka, kwauchi, muze mwakukupuka vyosena mwakwoloka.

¹⁴¹ Oloze Nguli nakweseka nakuhanjika, omwo uze Mujimbu kuputuka kuhwingisa hali vakiko, vakiko kavakutondele ove. “Ove unapu ndeho yakupulika! Enu munapu vakuzaluka! Enu mwatela kupwa na myaka fifite okwo.” Talenu? Mamalelo, enu munahase kushinganyeka chize, “Kangweshi kupwa nge kafunga ko.” Ali kafunga kove, mwosena omwo! Yezevele kahashile kwitavila chizeko Elija apwilenga kafunga kenyi, oloze ikiye punduvene apwilenga. Ikiye punduvene apwilenga. Ikiye apwile wakatuma, chakutalilaho, muluwa wa lifuchi lya Isalele. Kaha lelo Shipilitu Wajila wamwaza na Lizu lya Kalunga linapu Muluwa wa liuka, kwolola vakiko kulovoka kaha nakuneha vakiko kukinduluka ku Lizu. Etu kuhanjika hali Echi, oloze enu mwamono naumwe kutambuka. HUU-hu, talenu, etu tweji kumbata vize vyuma vyakufutula.

¹⁴² Ngwevwile muthumwe, nge mumaunjiho, hanjika, “‘Muzundule Ikiye helu,’ nauya ngachilihi na kuzundula Ikiye helu?” Kaha, mamalelo, kupwa kaha vyavindende tuze tu isms! Mthuumwe ngwenyi, “‘Tala na kulomba,’ kulumbununa kulama liso limwe kusokolola omwo enu namulomba, tala na mukwavo. ‘Tala na kulomba.’” (Mwomwoika, *tala* kulumbununa “tala ha kwiza cha Mwata,” na kulomba.) Talenu, echi chili nakwalumuka chuma nakujinguluka.

¹⁴³ Shikangaho, muli chize, chuma muka etu tweji kulinganga? Etu kupwa na chisemwa chachindende cha etu vavene (kaha jino kachi. . .) chipwe echi chili Kalunga kutanga mokomoko nduma. Kaha etu natuya nakulovoka, chuma chatete munatachikiza, etu tukwechi lizavu lyalindende kukavangiza etu, kaha kuvakoka kufuma mumujimba uvene wa liuka. Echi chakwoloka. Kachi kwiza nakwingila na kulomba na kutetekela chuma kuweluka, kaha echa mujimba kutambuka nakuya, etu kulinga vaze vyuma chipwe kutanga mokomoko nduma. Kachi ove uli na Muchano, kahajino twama na Muchano. Echi chili vene chakwoloka. Oloze echa chipwenga Mbimbiliya Muchano chatete! Talisenu, ha. . . chino chisemunuino cha Lauchiseya.

¹⁴⁴ Kaha tupolofweto, huu, Shipilitu Wajila kuhanjika kuhichila muli Paulu, uze apwilenga Meshiya. Kapwilenga Paulu ko, apwile Kulishitu! “Kalunga, mulwola lwakunyima na mujila jakuhandunuka handunuka kuhanjika kuli vakakuluka kuhichila muli tupolofweto, mulikumbi lya makumishilo na Yesu Kulishitu,” Hepeleu 1, talisenu, Shipilitu Wajila, Kulishitu, Mujimbu wa kwimanyina hali Kulishitu, Lizu lya kwimanyina hali Kulishitu. Kaha kachi Echi chinapu kwimanyina hali Kulishitu, kaha kupwa na kwinjikiza-. . . Kalunga kuya nakwinjikiza Echi kupwa Muchano.

¹⁴⁵ Ou ukiko mulonga enu vathu va Pendekosita veji kutambula Shipilitu Wajila mu lufwelelo lwa Jijila ja. . . meso a Mesondisiti kujilikiwa, mwomwo enu mwapwile vene ha Lizu.

¹⁴⁶ Ou ukiko mulonga enu va Mesondisiti vanakujilika omwo va Luteleni kavafwelele muli chize, enu mwapwile ha Lizu.

¹⁴⁷ Chize omu enu va Luteleni kupwa vakulwila, kuvulukila kwoloka, mwomwo muluwa wenyi kunangula kuvulukila kwoloka, kaha kufumbukila liuka lya Katolika lize lyapwilenga lyakufuma kwosena. Vakiko vafwelelele muli lize liuka; enu kindulukenu ku Mbimbiliya, kaha enu kutala mu Mbimbiliya ya muchano kaha kukwachilila echi.

¹⁴⁸ Kaha jino akushimbula kwejile Wesley na muchano weka, kaha kukwachilila; hakushimbula kwejile Pendekosita na Muchano ukwavo nakukwachilila kuli chize; Jino kachi enu namukwachilila chize na kumona echi kupwa chakwoloka, mwomwoika mbatenu chuma chimwe chize chinapunga chakwinjikiza kupwa chakwoloka? Fwelelenu chize chosena!

¹⁴⁹ Jino, omwo etu natumona ava miluwa, etu tunatachikiza jino. Etu twamono Kulishitu, Kapolofweto wamunene wa Kalunga kulweka vyuma evi kusoloka mumakumbi akumakumishilo. Chumamuka echi chili nakulinga? Kuneha lwola lwavo. Echi chili nakuneha lwola luze luli nakufumisa kuya nakupwa vakwaha, chumamuka nachiya nakupwa mumakumbi akumakumishilo. Enu kumona echi?

¹⁵⁰ Jino, evi vyuma naviya nakupwa mumakumbi akumakumishilo. Etu tunatachikiza mbuto yamuyachi uka etu tuli nakutala. Etu tuli nakutala ha liuka lize lwola lumwe apwilenga na Kumunyika, kwalumuka kufuma kuli Chize, kuya nakuneha ukalu wamukaye, kwosena kuviwahisa (echi chakwoloka?), kuya nakufumako, kumbata mukala muyachi wa membala, kaha kalachuma, kaha kusanyika Chipendekosita, kujimika kala chuma.

¹⁵¹ Meya kawa lwila muthu. Nachitondeka Manyinga a Yesu Kulishitu. Kakweshi Kuyoyako mumeya. Kuyoya kwiza nakwingila mu celu ya Manyinga; nachitondeka kujilikiwa kukosa chize kuyoya, kujiha kufwila mu shili; jino Shipilitu Wajila kwiza nakwingilamo nakupwa chizachiso chitoma kaha kuhaka kusali mumulimo, kutanga. Uze kamenga kujilika chizachiso, oloze va...chize nakuzalisa chikiko kwingisa mumulimo. Chize chapwilenga kusali ya mulimo, jino kuya nakuhaka mumulimo. Kaha Shipilitu Wajila kuhaka liuka mukutanga. Ngwapwilenga nge uze mwaso waundende:

Vakiko vapwile vakukunguluka muze
mukapete kahelu,
Vosena kulomba mu Lijina Lyenyi,
Vakiko vavajimikile na Shipilitu Wajila,
Kaha ngolo ja kutanga chejile;

Eyo. Kaha vosena kuhanjika:

Chuma Ikiye alingile hali lize likumbi
Ikiye nahase kulinga mwomumwe.
(Punduvene.)

¹⁵² Ize mbuto; tupolofweto; etu twemikile kuze hali Kulishitu. Jino etu natuya kaha kunyima chindende.

¹⁵³ Isaya, uze kapolofweto, omu ikiye ambulwile unjiho, kupolofweta ha lwola lwamakumishilo. Ikiye ambile ngwenyi, "Mujimba wosena nauya nakwiza nakuzala na jimbandu jamanyinga, kala mesa kupwa yakuzala na visazo!" Mwomwoika, malunga na mapwevo lelo, vakiko veji kumatanga kulikata, kuyoya na mapwevo vavali mokomoko vatatu, mokomoko mapwevo vavali mokomoko vatatu, (chakwoloka) miyachi yosena...kunwa makanya, kaha vyuma vyosena; kwiza nakwingila muliuka, kulya mbolo!

¹⁵⁴ Jino, Ngunahase kuya nakushikumuka kuhambakana chize, oloze Nanguya nakuvandamina chindende, pamo kangweshi

wakwolakako jino. Ngwevwile chindende kaha kutala hali chize Ngwapwile nakuya nakuhanjika. Oloze Nguli . . . Enu munahase kutanga mukachi ka mifunda. NMunatachikiza chumamuka eyi Mbimbiliya yahanjika, chumamuka vyuma vyakulisala na kuzeneka kulisala kupwa.

¹⁵⁵ Vyuma vyosena etu twamono kusoloka jino, kaha lifuchi . . . sayasi kuhanjika echi chili . . . myaka fwo mokomoko faifi kunyima okwo, “Echi chinapu minyutu yitatu palanga mukachi kaufuku.” Isalele mulifuchi lyavo. Eli liuka lili mu Lauchiseya. Mamalelo, yami! Chuma muka etu tuli nakutala? Ukalu uli halihali?

¹⁵⁶ Etu tuli nakutala ha Kumunyika cha chingoloshi. Mamalelo, Ngwalikomokela, kachi Nachiza, kachi etu natutachikiza Echi? Mokomoko nachiya Nakutumbuka helu lya mitwe nge kukinduluka muvisemunuino vyeka? Vakiko kavatachikijile echi palanga kulingika chikuma nakaya kwakusuku.

¹⁵⁷ Enu anukenu, vaze vathu vakakulifukula vapwile umwe uze ajihile tupolofweto vaze vavatuminyine kuli vakiko. Yesu ahanjikile ngocho. Ikiye ngwenyi, “Enu vakakulyonga!” Ambile ngwenyi, “Enu mwachikile vimbumbembe vya tupolofweto, kaha masenu kuhaka hali vakiko kuze kaha vakiko kutunga vimbumbembe vyavo.”

¹⁵⁸ Tala ha liuka lya Katolika yamu Loma, vachikile chimbumbembe cha Mukakujila Patrick, kuchika chimbumbembe cha—cha Joan of Arc. Vakiko vajihile uze pwevo, kaha amuchele nge muloji, mwomwo ikiye apwilenga mukashipilitu, mwomwo ikiye amwene vimweno. Vakiko kumwocha hazevene, nge muloji. Mwachile myaka tu handulendi vakiko kufula mijimba ya tupilishitu na kuyimbila mukalwiji, nakupwa kuzangamisa, kutachikiza nge ikiye apwile ngamba ya Kulishitu. Oloze, muli lize likumbi, vakiko kavatachikijileko hiya ikiye apwilenga, shimbu muliuka apwilenga nakuhita.

¹⁵⁹ Kaha Nachiya nakupwa chakwoloka haze helu lya vathu kaha vakiko kuya nakutachikiza Chize.

¹⁶⁰ Yesu, vakiko kavatachikijileko Ikiye apwilenga Mwana Kalunga palanga Ikiye apwile wakufwa kaha kufunda na kusanguka cheka. Kumana Peter kavapayishile vakiko ha Likumbi lya Pendekosita? “Enu malunga na mavoko ashile kumbata chize Kuyoya cha mwana Mwangana, kaha kujiha . . . Kumujiha!”

¹⁶¹ Mamalelo, chize kuvwakuma chichila cha kwiza Chenyi hamavu! Amena! Etu tuli kumakumishilo. Amena. Chize kuvwakuma chichila kusoloka kwosena, kwosena, “Chakuzeneka upahu,” akusoneka. Lwola lunakumu. Lwola lunahichi!

¹⁶² Sayasi yinahete kusongo yavo. Echi chakwoloka. Vakiko vatungile chumachimwe jino chize vakiko vahashile

kufutumwinamukaye kosena, muthu wosena kwivwa woma waumwe namukwavo. Vakiko vali mulwola lwamakumishilo.

¹⁶³ Kutona, kwatela kupwa chihela cha vathu...ize songo kuhwingisa kulutwe nakunyima. Vathu kaveshi kulinga nge vathu vakutona. Munahase kushinganyeka muthu kutonda kupwa mukakuvwala nge kaye, na jikambu jakusukuma mbwembwele nge *ngachize*, jimbutala kufuma hajitungi, kuhulumuka nakushikumuka nakuhita muchipango cha shikola nge ngana? Mangana akaye akiko ali nakwiza nakushikumuka nakuhita echi, kachi kuli cheka chikwavo, kumbata kanyike wapwevo wamundende wa myaka fwoteni nakumulovola, nakupwa mujila.

¹⁶⁴ Lelo, mu motel yami, mwapwanga naye kupwa muze nauvwalo wakuhona kutamo nakuhema nawo, kaha lunga lyenyi kuze mujila yoyimwe, kaha ize peho yituta. Vakiko kushinganyeka mijimba yavo kupwa wamwaza kuusolwesa. Kamwatachikijileko nge liyavolo? Echi chakwoloka. Kulizula mauvwalo avo, kuvangila vakuzaluka kulinga ngachize. Uze wakuzaluka mukiko alingile mwomwo apwile wakuzaluka. Tachikizenu! Kaha etu tuli nachize, oloze vavuluka “kusoloka,” chize vavuluka “kutona.” Etu tweji kuchivulungana “Ou liyavolo!” Ngukwechi Mbimbiliya kwinjikiza nge ali liyavolo. Echi chinapu kuheta cha liyavolo, ndemoni kuheta (keshi kushindakanya). Kuheta, nakuhete! Echi chakwoloka. Kuvalweka vakiko hali echi? Vakiko navaya nakushinjika. Vakiko vanatondo kulinga na Echi! Nduma mwane. Vakiko vatambwile vishinganyeka vyavo, mwomwo kumakombelo avo valitenukilako. mumashikola kulilongesa mwausunda kaha na mauka, kaha tufunga kupwa nawoma wakutenukila chize, chuma kachatelako.

¹⁶⁵ Ngwevwile mukakuzata likumbi likwavo, ngwenyi, “Omu vakiko vatengele vyuma vyausombo hameso avo, kaha—kaha mivumbo yichila, vakiko kupwa vamwaza chikuma mukaye.” Mukakuzata wamu Mujimbu wamwaza, muze mukamenga, ahashile kuhanjika nge ngachize, ikiye kutonda mushipili wakuya ku Kavali. Chakwoloka. Echi chili vene chakwoloka, omwo Mbimbiliya yapaisa echi!

¹⁶⁶ Kaha lizavu lya Chipendekosita kulweka ndumbu wapwevo kwiza kuchihela, nakulila, mwomwo ikiye apwilenga najikambu jakutalisa kunyima wamutwe wenyi, najikambu jajisuku, ambile ngwenyi, “Tayela yove yahasali yinafumu peho.” Ambile ngwenyi, “Enu watela kuvatula jikambu, mwomwo ize Mbimbiliya ngwayo ikiye apwile. . . mu Isaya, kapetulu 5, ali na kujinguluka nge kakweji.” Jino, omu ize Mbimbiliya kuhanjika nge “pwevo kulinga chuma chakuhona kutela,” ikiye keshi wakutelako kuyoya na uze wakuteula kambu, ikiye enjikijile nge ikiye ali nakusaula mutwe wenyi, kaha jino jikambu jajisuku...?. . .Nauya ngachilihi na kulingisa Mbimbiliya

kuhanjika chumachimwe nge ngachize? Chamwaza, ukalu uli halihi na mapwevo jetu va Chipendekosita? Enu munamono chikuma ha chisaji! Enu munamono chikuma kaye, kaha keshi chikuma Lizu lya Kalunga kupwa muli ove. Jino, eyi Mbimbiliya yahanjika ngocho. Omu mukiko yahanjika Mbimbiliya. Chize kacheshi yamiko, jino, eyi ikiko Mbimbiliya!

¹⁶⁷ Mamalelo, kupwa nausunda! Pwevo wakalemesa umwe ahanjikile kuli yami kunyima chikuma, Ngwapwilenga nakuya lika pamo hakuvwala jiputula, ambile ngwenyi, “Ngwa—Ngwavwele tutembula.”

¹⁶⁸ Ngwambile ngwami, “Chize chachipi.” Ove... Eyi Mbimbiliya yahanjika ngocho. Ikiye keshi kuhasa kwalumukako.

¹⁶⁹ Enu ngwenu, “Chize chinapu Mbaputishiti.” Chize chikiko va Pendekosita. Ngulinakuhanjika kuli enu. Echi chakwoloka. Echi chinapu muchano.

¹⁷⁰ Oloze ukalu ulihalih? Ukalu muka? Muthuumwe kushikumuna mikeleko kumwe. Mukakunangula wamwaka sepa lyami apwilenga nakuhanjika:

Etu kushikumwisa mikeleko, etu
kushikumuna mikeleko,
Etu tunalivwasana na shili.
Etu kushikumuna mikeleko, kaha mikoko
kulovoka nakuya
Kaha vapembe vengilile ngachilihi?

¹⁷¹ Ukalu uli halihi? Omwo enu namwecha mukeleko, mukeleko wa Lizu lya Kalunga! Anuka, chapwile kwala cha Kalunga chakujilika Liuka Lyenyi ha Lizu Lyenyi, hakuputuka.

¹⁷² Kaha omwo Eva atachikijile na kuhanjika ngwenyi, “Chamwaza, jino, echi kacheshi chamanganako, Ngunahase kuyoya kanawa nge omu vakiko . . .?” Ha! Chize chalingile echi.

¹⁷³ Kaha chize lwola lwosena kulinga echi. Ou ukiko mulonga ikiye vamukanyine kupwa mukakunangula. Talenu, kushikumwisa mikeleko. Muze mukiko (lize liuka) miji kulovoka, nakwingila mu Pendekosita, kaha ize ikiko miji. Kakweshi Chisonekako chacho. Talenu? Jino, chuma muka ove mulinga jino? Enu namupwa nakuhungumwisa nge mukinduluke cheka mu Etene. Tachikizenu, jino, kahajino omwo etu natwiza ku Lizu, enu namuhanjika hali Echi . . .

¹⁷⁴ Naumwe nahase kufumisa Chize! Ngunahamwisa kalamuthu ahanjika echi. Kunabgula ha *Ize Mbuto Ya Linoka*, shikaho vavavulu kufumisa peho hali chize. Ngunahulu vathu vamwe kwiza nakunguwana muli echi. Kangwavawanyineko.

¹⁷⁵ Ha Chicago keshi kunyima chikumako, enu mukwechi jitepu, vakiko vashinganyekele nge vakiko vangukwachilile kuchuma chimwe. Vakiko vapwilenga na Lizavu lya va Mulimo

Waunene mu Chicago, Ndumbu walunga (Chuma muka echi?) Tommy Hicks, Ndumbu walunga Carlson apwile kuze. Kaha maufuku avali shimbu kanda chize, ou Mwata angutonesele naufuku, ambile ngwenyi, “Yako nakwimana kuze ku janena.” Ngwayile, kaha chapwilenga na nyamanganda. Ikiye ambile ngwenyi, “Jino, vakiko kukwachiwa mulikambwila amitelele enu.” Ikiye ambile ngwenyi, “Ha chimene chino, kanda kupwa nawomako. Yako lika, Nanguya nakupwa na ove.” Jino, echi chili mu Lijina lya Mwata. Enu munahase kuvahula vakiko na kuwana. Echi chili ha tepu, vavipolofwetele shimbu kanda: Ambile ngwenyi, “Jino, kanda kupwa na woma wakuyako, oloze yako nakwimana,” ambile ngwenyi, “Nanguya nakupwa na ove.”

¹⁷⁶ Kaha likumbi likwavo Ngwaliwanyine na Ndumbu walunga Carlson, mutwe wa kapetulu kuze, kaha Tommy Hicks. Kaha Ikiye angulwekele yami Nanguya nakuliwana navakiko kaha etu natuya kuchihela chimwe vavuluka “Mbaka na Lifuchi” kulya chachimene. Ngwatwamine kuze vene. Ngwambile ngwami, “Ndumbu walunga Hicks, ove unapu ndotolo waukalunga kaha etu natuya nakuliwana na lizavu lyalinene lya vakakuzata hano, lizavu lyavo lya Chicago, mwomwoika ove muhona kuya na kuhanjika hali yami? Ngunalingi vyuma vyavivulu hali enu.” Ngwapwile kaha nakweseka ikiye.

Ikiye ngwenyi, “Mamalelo, Kangweshi kuhasa kulinga ngachizeko, Ndumbu walunga Branham.”

¹⁷⁷ Ngwambile ngwami, “Chamwaza, mwomwoika unahonene kuya?” Ngwambile ngwami, “Nanguya nakulinga kalachuma hali ove, jino mwomwoika ove muhona kulinga chize hali yami?”

¹⁷⁸ Ikiye ambile ngwenyi, “Mamalelo, Kangwawashile kuchilingako, Ndumbu walunga Branham. Vakiko kavahashile kwimana kulu hali chizeko.”

Ndumbu walunga Carlson ngwenyi, “Nduma, vakiko kaveshi kuhasako.”

¹⁷⁹ Ngwambile ngwami, “Munatachikiza mwomwoika.” Ngwambile ngwami, “Echa ngumilweke chuma chimwe, mwomwo enu, vosena vavali, kutachikiza nge vakiko kupwa na chihula cha muhete hali yami.” Kaha Ngwambile ngwami, “Ove uli nacho.” Jino, eyi yinapu tepu, enu munatondo tape, etu tukwechi echi, munatachikiza vaze vathu vosena. Shikaho Ngwambile ngwami, “Ufuku shimbu kanda makumishilo, Ngwamwene chimweno chize etu tunahase kutwama hano chimene chino kaha Tommy mwaya nakwalumuka echi.” Ngwambile ngwami, “Jino tala, enu muli . . . enu mukwechi uze kapete wamuhotelo muli nakutelela.”

“Eyo.”

“Vanayifwetela lyehi.”

“Eyo,” Ndumbu walunga Carlson.

180 “Oloze ove kaweshi kuya nakutambula echiko. Omu MUKIKO MWANAMBE MWATA!”

“Mwomwoika?”

181 “Ove uli nakuya muchihela chikwavo. Chize chili—uze kapete wamafwo amatamba; etu tuli nakuya nakwingila mukapete kausungwa. Nguli nakuya nakupwa mumbango; Ndotolo Mead natwama kuchilyo chami; kaha uze mukakuzata wamulatu na pwevo lyenyi mwaya nakutwama hano ha chimoswe,” jila kaha nachiya nakupwa nge ngachize. Kaha Ngwambile ngwami, “Ove tala jino, twaya kaha. Ove unamono Kalunga hindula vakakuviza, tala Ikiye mujita lwola lumwe!” Ngwambile ngwami, “Ikiye ali wamunene, wamwaza.” Ngwambile ngwami, “Tala kaha vihula na kutala omu chapwa chihungu.”

Kaha omwo etu twapwanga kuze chimene chize . . .

182 Kachi ove unatondo eyi tepu . . . Jim, ove ukwechi echi, ove kawaneheleko? Hano vene, hano vene, enu munahase kupwa na tepu kachi enu munatondo, kukuliwana.

183 Ngwambile ngwami, “Chuma muka ove unangufumbukila yami? Ukalu uli hali enu vakweze?”

184 Ndumbu walunga Carlson ngwenyi, “Chamwaza, Ndumbu walunga Branham angulwekele makumbi avali kunyima okwo etu natupwa . . .” Kaha vakiko kavatambwile ize zuvoko, vakiko vafumishile echi. Vakiko kavahashile kuvecha kupwa na chize mwomwo lizavu lya vakakwimba kupwa na chize kaha vakiko kavatachikijile nge vakiko vahakilemoko, jino vakiko vafumishileko vase va Malunga Vakakusekasana. Kaha enu mwevwa lyehi mujimbu wa echi, Ndumbu walunga William hano, kaha hano, nawa. Kaha—kaha—kaha ikiye ambile ngwenyi, “Ndumbu walunga Branham angulwekele yami vene kala muthu mwaya nakutwama, kaha angulwekele vene chuma muka nachiya nakusoloka.” Ngwenyi, “Chuma chimwe,” ngwenyi, “Ngwa . . . etu vosena tunahase kwitavila na Ndumbu walunga Branham ha Mujimbu wenyi, oloze,” ngwenyi, “etu natuya nakwitavila chuma chimwe, ikiye keshi nawomako kwambulula Echi,” shikaho—shikaho jino ambile ngwenyi, “chakuzeneka woma na Chize.” Ngwenyi, “Jino, hano ove uli, Ndumbu walunga Branham.”

185 Ngwambile ngwami, “Jino, shimbu kanda etu tuputuke, Ngwatondo malunga vamwe, ha chumachimwe chize Ngunahanjika, kumbata eyi Mbimbiliya na kwimana hano kusali yami.” Kaha lize lyapwilenga lizavu lyakuhola lize mwevwa lyehi. Ngwambile ngwami, “Jino, kachi kaweshi kuchikafwako, jino litwamine! Eyo. Vandumbu vamaalunga, Nguli hano kuhaka mahye ami na enu, oloze etu twatela kukinduluka ku muchano wa Mbimbiliya.”

186 Ambile ngwenyi, “Mwomwoika kamweshi—mwomwoika kamweshi enu kuseza vaze mapwevo? Mamalelo, yaa, enu munapu . . . vathu vakufwelela kupwa—kupwa mukakumona wa Kalunga.”

Ngwambile ngwami, “Kanda lyehi nguhanjike ngachize.”

187 Ikiye ngwenyi, “Oloze vathu vafwelela chize.” Ngwenyi, “Mwomwoika ove—mwomwoika unahonene kulama mapwevo?” Ambile ngwenyi, “Kahakwechakuvalweka vakiko hali ize jila vakiko vatela kuvwala na kuteula kambu na vyuma vakiko vatela kuzachisa. Mwomwoika ove kawatela kuvechako? Mwomwoika enu namuhonena kuvanangula vakiko mwakutambula mawana na—na kulinga chumachimwe ha upahu wa Kalunga?”

188 Ngwambile ngwami, “Muno mukaye Nangunangula ngachilihi algebra nge vakiko kaveshi kuhasa chipwe kulinangula AEIOU?” Echi chakwoloka. Enu mwatela kukinduluka ku chikuku na kuputuka.

Kalunga, nguvwile keke jino. Eyo, mwane.

189 Hano etu tuli, lwola lwamakumishilo! Kumunyika chichila, kumunyika! Kwiza cha Mwata chili kulivoko. Eyo, mwane. Ivwulilenu! Ou Mujimbu wamakumishilo watela kuliwana na seteko yalwola lwamakumishilo. Haze vakiko vafumine mujila, ou Mujimbu watela kuvaneha. Lwola lwosena, Mujimbu wamakumishilo kuliwana na jiseteko ja lwola lwamakumishilo. Mujila yosena kuhichila mu Chisoneka. Nachiya nakulingika lwola luno, kusanyika kukinduluka ku Lizu lyatete. Mamalelo, yami! Nge miluwa vakwavo valingile mulikumbi, ou Mujimbu nauya nakupwa mwomumwe. Etu vatushikile chize! Kalunga ashikile echi mu Lizu Lyenyi! Malaki 4, ngwenyi nachikasoloka, “Kaha kutungulula Lufwelelo lwa vana kukinduluka kuli masevo.” Ashikile echi, kaha etu tuli nakuyoyela muli lize likumbi!

190 Mamalelo, chinapunga lwola lwosena, lwola lwosena, lizavu lya vatwamina valimbata vathu vosena kulifutula. Echi kacheshi chikumako na vathu; chinapu vatwamina vaze vakiko vanalifutula. Jino echa etu . . .

Enu ngwenu, “Mamalelo, Ndumbu walunga Branham!”

191 Chamwaza, jino, munyutu kaha jino, etu twatela kulingisa echi Chisoneka. Kachi echi kacheshi Chisoneka ko, kahajino kacheshi chamwazako. Ha mazu avo amangana, muze mwavo mwautwamina wa kuzeneka kuhwimina, mazu a mangana akaye, vakiko . . . Mwomwoika, kuze kuli vamwe vamangana vanahase kupwa hamwe, oloze enu kushinganyeka uze Satana keshi wamanganako, nawa? Kumana ikiye ko, chamwaza, kupandama kuli Yesu Kulishitu na kumuhana Ikiye mulonga, kaha atangile Chisoneka kuli Ikiye? Ikiye achilingele! Ikiye napu wamangana hali echi. Oloze Yesu kapwile nakulipika na ikiyeko,

Ikiye ambile ngwenyi, “Echi vachisoneka, nawa! Yako kunyima Yami, Satana.” Eyo, utwamina wakuzeneka kuhwimina.

¹⁹² Tala hali Korah, mumakumbi omwo Kalunga atumine Mose na mujumbu, kaha Kola na Ndatane kushinganyeka, ejile kuli Mose, kaha ngwenyi, “Jino, munyutu kaha, ove mbata chikuma hali ove lyavene! Ove washinganyeka nge ove yove lilolwa kaha kuchukulo; pato muchijiva, ove yove kaha. Nanguya nakukulingisa ove kutachikiza nge kuli vathu veka vajila, nawa!” Mose kahanjikile nge vakiko kaveshi vajilako. Olozeikiye apwilenga nakutuma, ikiye atelele kuchimbata. Kaha vakiko valivwasanyine lizavu kaha vapwile nakwiza nakufumbukila Mose.

¹⁹³ Kaha Kalunga amulwekele ikiye, “Yako nakwimana kuze muze muchikolo.” Vaze malunga vapwilenga na censer kakutachikiza mulivoko. Kaha enu munatachikiza kaze katolitoli omu kapwa . . . kanalingi? Kalunga asokolwele mavu na kuvamina. Kaha vakiko vapwile na kakahya kufuma kukamenga, muli chize. Na kakahya muze muze mukatolitoli, nge chikuku omu chapwile, vakiko vahonene kutachikiza uze mujumbu.

¹⁹⁴ Kalunga ambile ngwenyi, “Nangukutuma ove, Mose, kuze kulinga echi. Ove kuvaneha kuno.”

¹⁹⁵ Talenu, vakiko vahonene kutachikiza chize. Mose apwile “nawa” na vakiko. Nge Elija apwilenga, ku Shikola ya Tupolofweto, “nawa,” atwamine na Lizu.

¹⁹⁶ Muze mukiko enu vathu va Chipendekosita, mwatela kulihandununa enu vavene kufuma kuvyuma vyakaye vyosena, hazevene na Lizu. Jino kanda kufuvalala muli chize chumako chize enu muneza nakulovoka, enu muli nakusosoloka! Kanda kuvatula chikungo chove kufuma ku Kavali. Kwachilila ku Lizu lya Kalunga, mwomwo “Hali eli lilolwa Nanguya nakutunga Liuka Lyami,” kutwama na Echi.

¹⁹⁷ Jino, Ndatane kaha vakiko vashinganyekele mukiko chapwa . . . kuze kwatela kupwa muthu weka. Talenu, chize chinapu mangana amuthu kweseka kuhaka vishinganyeka vyavo mu pungu ya Kalunga. Chize chinapu chamwaza. Mangana muthu umwe kweseka kuhaka vishinganyeka vyavo mu Lizu lya Kalunga. Echi kacheshi kuzachiwako! Nachiya nakuzata. Echi kanda lyehi chizachiwe kaha kacheshi kaya nakuzachiwako.

¹⁹⁸ Tala hali Yesu omwo Ikiye emanyine kuze, ngwenyi, “Hiya ove unahase kungupaisa Yami ha shili? Umwe ulihi enu munahase kusolwesa nge Kangweshi numba vene kulinga chuma Chisoneka chahanjika Ngwatela kulinga? Ngulinakuvuluka kupwa Meshiya. Kaha kachi Kangweshi kulinga milimo ya Tata Yami, kahajino kanda, kufwelela Yami keshi ngochoko. Oloze kachi Nangulinga milimo kaha enu kamweshi kuhasa

kufwelela Yami, kufwelela milimo eyi Ngulinakulinga, vakiko kwambulula Yami.” Mukikovene. Kaha vakiko kavahashile kufwelela chizeko, vakiko vatondele jijila javo.

¹⁹⁹ Vakiko pamo keshi kulinga echiko kaha kupwa chakuhenga. Vakiko keshi nge...Kangwafwelela malunga kulumbununa kulinga chize, Ngunawane vathu vamwaza muze mumauka avikungulwilo, Ngwanyine malunga vamwaza. Oloze echi chili nge lushimbi lwahanjika ha chisaji, kwiza nakushikumuka hano, “Chuma chaungeji, shina omu vakakutangisa vanahase kwimana muze mukamenga, kaha kapapa kangahi kumona jiola kuhita, kaha keshi kupwa nakwoloka kuchisunga, ha jishili ja kaye!” Kaha omu chambamilonga nahase kwimana kaha kuhanjika ngachize! “Kaha omu vakakuhona kutachikiza vanahase kuzachisa mali hakala muyachi wa jizuvo jatunyama na mwakulamina tunyama, kaha na vyuma, kaha keshi kukafwa kwala cha mishonaliko, nakumbata Mujimbu wamwaza nakutwala kukaye.”

²⁰⁰ Omu vamishonali vazala, vakuhona najisapato kumahinji avo...Haleluya. Kwauchi chikungulwilo chakuvakafwa vakiko, mwomwo, kwimanacho ha Lizu lya Kalunga. Wauchi wakuvakafwa. Enu namuvambata vakiko nachumachimwe chakuvakafwa vakiko kuze, jino chumamuka vakiko vakwechi? Mukuta wa jishimbi. Wamwenemwene, kamishonali wamuchano, vinjikizo kuvakavangiza, vatela kukundamina hali pwevo wakukosela vyakuvwala kuwanako mali. Tachikizenu, mukiko chili.

²⁰¹ Vakiko pamo kavahashile kulinga...Chamwaza, oloze ukalu uli halihi na vakiko? Vakiko vali tupuputa. Yesu ahanjikile ngocho. Anuka, anuka, Yesu ngwenyi chuma chochimwe. Kaha chinasoloka nge, lelo... .

²⁰² Jino iwulilenu, Ngunatalilila Kangweshi chikuma wakutemananako. Omu enu muli nakutunga muchano kanda—kanda kwivwa nge Nguli nakumitoleka. Nguli kaha nakweseka...Nguli—Ngwazanga...Kaha kachi ove muhona...Kangweshi—Kangweshi nalwiso hali eli Liuka. Echi, vakiko kakavulu vanapu liuka lya Assembly of God, mokomoko kalamwosena omwo chili, mokomoko—mokokoko Nguna—Ngunahono kutachikiza chumamuka chili. Chumamuka...Kachaneha chihandwa kuli yamiko. Eli linapu liuka lya Kalunga. Omu mukiko chili, Ngwafwelela, linapu liuka lya Kalunga. Chamwaza, jino, etu vosena twatela kupwa ngachize, keshi chikungulwilo cha Kalunga ko, oloze etu twatela kupwa Vakakulishitu mumuchima. Eli Liuka lya Kalunga lyatwama mukachi ka jimbango, keshi ha lijina ko, navyangocho.

²⁰³ Jino, lelo chinapu chikuma hali echi, nge kuvula chamambela chikiko chinaleme kuli vathu. Jino, tala hali va MbaPUTISHITI hakupwa nakuhizumuka. Mamalelo, vakiko

vapwile na umwe. Vakiko vapwile na hanjikiso mu '44, “miliyoni ikwavo mu '44.” Mujimbu wa Billy Graham kulovoka nakuya. Mwomwoika, punduvene, watungile chumachachinene. Va Mesondisiti, Mbaputishiti, Pulishiteliyani, chinapunga chuma chachinene, oloze ika etu tukwechi?

²⁰⁴ Yesu ahanjikile kuli va Fwaliseu, “Enu vatwamina vatupuputa kutwaminyina tupuputa. Enu mweji kujinguluka tulungalwiji numba mwalumuneko umwe, kaha ikiye kupwa mwana kapapa kavali wakuhetese kuhambakana omu ikiye aputukile.” Kaha omu mukiko etu tuli nacho lelo.

²⁰⁵ Billy Graham, omwo Nwatambukilile ku kulya chenya cha chachimene mu Louisville, Kentucky, ejile kuze, nge chikupu mukakwambulula mujimbu wamwaza, ikiye ngwenyi, “Nanguya...Paulu ambile ngwenyi...Hano hakiko hali chakutalilaho.” Ambile ngwenyi, “Paulu ayile nakwingila mumbongi kaha alumwine umwe, ikiye akinduukileko omu mwahichile mwaka kaha awanyine kufuma hali uze umwe hali seti.” Ambile ngwenyi, “Nanguya mumbongi kaha nakulingisa nakwalumuna seti sauzande, kaha kwiza nakukinduluka hanyima ya mwaka umwe kakangweshi kuwanako chipwe seti ko.” Ikiye ambile ngwenyi, “Ukalu ulihalihali?” Kaha Ngwakumbwile kupandama chauze mukakwambulula mujimbu. Ikiye ajikile munwe wenyi haze, pamo navathu seli handulendi vanatwame kuze, ikiye ambile ngwenyi, “Echi chili naenu vakakunangula vakuzeya.” Ikiye ambile ngwenyi, “Ove mutwama muufwishi na mahinji ove ha chitwamo chakusonekela, kaha kusanyika muthu ha shinga, kaha kumusanayika ikiye ezenga na—na kulinunga na liuka lyove. Ove watela kuya nakumutambukila.”

²⁰⁶ Ngwatwamine haze, Ngwashingtonyakekele, “(Ove Kalunga!) Munatachikiza, Mukakwambulula Billy, ove unapu lunga wamunene. Ami ngunapu—Ami ngunapu kamama. Oloze echa ngukuhule ove chumachimwe.” Ngwafwilile kachi Ngunahase kwalumuka nakujinguluka kaha kuhanjika echi; oloze Ngwa—Ngwa—Ngwa kumbwile uze ndumbu walunga, kushinganyeka nge ikiye apwile ngamba ya Kalunga. Oloze Ngwatondele kachi kuhanjika echi, “Jino, Billy, muyachi wamukunangula muka apwilenga Paulu kukavangiza ou umwe?” Chuma muka chasolokele? Paulu kechele numba ikiye kukatula livoko lyenyi kupwa nakusakula, ikiye amumbachile ha Lujiimiko lwa Shipilitu, kuhaka mwono wenyi hakakahya, kaha ikiye kahashile kuundako.

²⁰⁷ Ou ukiko ukalu lelo, chinapu umembala. Eyo. [Hatepu hapimbi—Muka.]...mamembala, lizavu lyalinene lyamamembala, shikola ya Chalumingo chachinene, kufwetela ndando mthuumwe uze munahase kwalumuna nakuneha mthumwe nawa kufuma kuliuka lyeka, uze akwechi vyuma. Munatachikiza, chize chinapu Ufwaliseu! Kaha jino kupwa

nakukoka chachinene hali chize, “Etu twavahambakananga ha Chalumingo chinahichi.” Kachi ove ukwechi chihela kuze ove watela kupwa na liuka lya Kalunga nge chiyoyelo chakulipika, kahajino lunapu lwola muli hakamwihi na vikolo na kuya kwimbo.

²⁰⁸ Liuka lya Kalunga linapu mukanda wakuyoya wa Kalunga hano hamavu, kusolola Yesu Kulishitu. Ngunatachikiza Echi kacheshi chapuhoko, enu kamweshi kuhasa kupwa na echiko. Etu twatela kupwa vakwoloka.

²⁰⁹ Kupwa nakukoka chachinene hali chize... Oloze, unatachikiza, vyema vyavinene kavyahashile kuhonesa kapolofweto Elija. Ikiye ewwile kakahya na wishu kuhita na kuya, kaha mikalateta na miveso, kaha manyinga na maji, kaha vyumavimwe nawa, kavyamukatalishileko. Munatachikiza, America lwola lwosena veji kutala vyuma vyavinene na vyema vyavivulu. Oloze Kalunga napu “hanga Lizu lyalindende” lize lyeji kulukwisanga kapolofweto.

²¹⁰ Munatachikiza, litemba lwola lumwe lyayilenga kumande, kaha kutumbujoka, kuneha vyema omu lyayilenga muze muwande. Kaha omu lyakindulukile, lyahichile ha vimbunji vyovimwe kaha kalyanehele cheka vyemako, lyapwile nakulongejeka na vyuma vyamwaza. Talenu? Yaa.

²¹¹ Oloze etu tuli nakunokela hakutachikiza cha mukuta wavyema. Natuya ngachilihi nakulinga ngachize? Natuya ngachilihi nakulinga vyuma kana nge ngachize? Mamaah, yami! Kaha jino kupwa nahanjikiso yamu Hollywood kwingilamo, kupwa namapwevo kuvahaka mukamenga, na uwalo wakulikwata na kusoloka chausunda, kukina mushipilitu. Ngunahono kutachikiza muyachi muka wa shipilitu eyi!

²¹² Kangweshi nakutwala nge kupwa wakutemanana jino, Nguli—Nguli—Nguli... Ngwa—Ngwakuzanga ove. Kachi Kangweshi, kahajino Kalunga mwaya nakungusopesa kachi Ngukwechi kala kujina chikwavo kuhambakana chize. Talenu?

²¹³ Oloze enu kupwa na vize, talenu. Muze mukiko Vachipendekosita vafumineko. “Etu tukwechi vandumbu vamaalunga vakwavo hambango.” Mamalelo! “Etu tukwechi kuhambakana va Assemblies, mwomwo etu twapwa va Waninesi, mokomoko etu twapwa vaka Tulunga vatatu, kaha etu twapwa...” mamalelo, *echi*, *chize*, mokomoko *veka*, vyosena—vyosena vyakuhandunuka vize vakiko vali, mwamono. Mamalelo, ndumbu walunga, chize kachalumbunukile *nge* kuli Kalunga ko. Ikiye eji kuzatanga na muthu ukawenyi hakapaji. Chakwoloka.

²¹⁴ Talisenu, vyema vyavinene, oloze kachalukwishile muchima kapolofweto ko. Uze kapolofweto kalizakamineko hali vize vyema vyavinene. Oloze omwo ikiye ewwile lize Lizu lyalindende,

ikiye atachikijile nge lize lyapwile Lizu, ikiye alifwikile meso eyi na kulovoka.

215 Munatachikiza, uze musana unahase kufumisa meya muminyutu fifiteni, chakuzeneka vyema, kaha etu... vyema chiku-... kaha etu kupwa chikuma na vyema hakukoka chijanji cha meya kuhambakana musana uli nakukoka jimiliyoni yawo. Echi chakwoloka. Etu lwolalwosena kutala hali chumachimwe chize chikwechi kutuhwa kaha kupwa chikuma na “hurrah,” kaha chikuma na vyema. Kaha omu nachiza nakushikumuka ha kumbata eli Lizu, jino haze kwejile chuma cheka helu. Talenu? Twaya, kaha vakino ngwavo, “Chamwaza, kisula Kalunga, Nangumilweka...”

216 Ngwaliwanyine na lunga hano keshi kunyima chikumako... Kangweshi nakuhanjika echi kupwa nge mukakulifukula chikuma, mwane ngukonekelenu kachi Nguli nakushinganyeka echi... kupwa na echi kupwa chakulifukula. Ngwapwile nakuliwana cha mumbalaka, mukakuzata, mukakuzata wa Chipendekosita kuneha pwevo lyenyi kuze embenga kukalyalya. Kaha omu ikiye ajimbwile pwevo lyenyi kuli yami, mukushishika, Ngwahetele hakulezumuka. Uze pwevo apwile vene na jikambu jajihi, jakulijinga, kaha ikiye na amanene, masikiya amanene, kaha naulombo wakutamo hamivumbo yenyi, mokomoko kalachuma apwile nacho, vyala vyakukwita ulombo. Tala nge ikiye apwile na... Chapwile chachikalu hakumutala; wamunene, jimbangi jajinene kaha jajisuku, kaha nge ngachize. Kaha kusoloka mwausunda; wamundende, chindende, navwale ndeleji yayihi, ikiye kahashile numba kufwika jitungi jenyi hakutwama. Chamwaza, Ngwemanyine kuze chindende, kaha Ngwambile ngwami, “Ndumbu walunga, Nanguya nakunyengetesa kwivwa chove kachi Nanguhanjika chumachimwe?”

217 Ikiye ambile ngwenyi, “Mwomwoika, punduvene kecheshiko.” Lunga wamwaza, kaha ikiye atelele kusoloka kupwa pwevo wamwaza.

Ngwambile ngwami, “Ove unahanjika nge pwevo lyove napu mukakujila?”

Ambile gwenyi, “Eyo.”

218 Ngwambile ngwami, “Ngukonekele hahanjikiso, oloze ikiye alinakusoloka nge ‘keshiko’ kuli yami,” Ngwambile ngwami, unatachikiza, “mokomoko chumachimwe nge ngachize.” Ngwambile ngwami...

219 Ikiye ambile ngwenyi, “Unatwale mulihi, Ndumbu walunga Branham?” “Mamalelo,” ikiye ambile ngwenyi, “ove unapu wa shikola yamwaka.”

220 Ngwambile ngwami, “Yami nguwa shikola ya Chisoneka. Echi chakwoloka, wa shikola ya Chisoneka.” Kangwafwelela

nge mukakujila kulinga nge ngachize, Kangweshi kuhasa kuchilingako, omwo eyi Mbimbiliya yapaisa echi. Talenu?

221 Chosena chakwoloka, kusoloka, kalalwola, vyumavimwe etu tuli nakwivwa, “vakiko vapwile na kusakula cha fwote,” “kusakula cha fwotefwo,” “etu twapwile na kusakula cha handulendi.” Chamwaza, echi chinapu kwitavila. *Kwitavila* chinapu “malolwa.” Echi chakwoloka, mwomwo Petulu, ha kwitavila chenyi, vavuluka ngwavo “lilolwa, lilolwa lyalindende.” Petulu, kwitavila chenyi. Jino, malolwa chinapu chakwoloka, oloze chumamuka chamwaza mokomoko kulema muka chili na lilolwa kuzuvo yakutunga kachi kaheshi lilolwa lyamuchanoko kuze na lilolwa lyakuvambuka lya Lizu kuvavatula kaha kuvalingisa kupwa vana va Kalunga? Talenu? Kuwaha muka chinapu chili na kwitavila?

222 Ou ukiko mulonga enu namwiza nakukinduluka kaha kamweshi kuwana seti kufuma mu seti sauzande. Enu ngalumunenu malolwa kuwafumisa mulukungu, kaha angalumunenu nakuwafumusamo, kaha vakiko kaweshi akutelako kuli ize tembele. Vakiko vatela kuwavatula, kuwapima na Lizu lya Kalunga, kuhaka muze, kuwanunga hamwe, akutungile ha chikuku cha Kunangula cha vapositolo, Yesu Kulishitu Lilolwa lya Mumbango. Kaha Ikiye ambile ngwenyi, “Wosena mwafwelela muli Yami, milimo eyi Ngulinakulinga naikiye nawa mwakayilinga.” Echi chakwoloka.

223 Natuya ngachilihi nakupwa Liuka nge natulumbilisa umwe namukwavo? Ikiye ambile ngwenyi, “Echi chikiko vathu vosena navakamitachikiza nge mutumbaji Twami, nge enu namulizanga umwe namukwavo.” Nge etu natulivwa na kulihokola, kaha mwomwo ya chihandwa cha vikungulwilo. . .Kangwachihaka hali vathuko, Ngwachihaka ha chikungulwilo. Echi chakwoloka. Keshi vathu vosena ko. Talenu? Mamalelo, echi chili chachipi, oloze Ngwa. . .

224 Enu mwatela kupwa naechi chitwa chakuvambuka, eli Lizu lya Kalunga, kuvavatula nakupwa vana vamaalunga vaku Zuvo. Mamaah, yami! Kulomba chami chili, “Kalunga, kuzangula na Malaki 4. Tuhane etu Mujimbu wamumakumbi akumakumishilo. Tuhane etu muthuumwe, kutuma chumachimwe nakulwila eli liuka lya Chipendekosita.”

225 Muyachi wa muluwa muka Kalunga nahase kututuma etu muli ano makumbi amakumishilo? Nanguya nakumilweka echi, ndumbwami walunga, ndumbu wapwevo, nge ndumbu walunga na ngamba kutala hali luzu lwola kwiza, ikiye mwaya nakupwa muluwa youmwe uze ejile mulwola lukwavo. Muyachi woumwe! Ikiye mwaya nakuneha eli liuka cheka ku Lizu. Kalunga, echa etu tuhake chikuku shimbu kanda kupwa hano. Shimbu kanda ikiye ezenga, echa tuhake chikuku na malolwa, kuvatula, kupwa vakulizanga kwimana lihye na ihye na ikiye omwo

Kalunga amutumine ikiye, mwomwo Ikiye ashikile Ikiye mwaya nakuchilinga.

²²⁶ Jino, Ngunatachikiza, Ngulinakwivwa nge kwiza nakukinduluka. Kaha, anuka, na wana waundende Ngunahase kukwata kutumbununa shipilitu, talenu. Jino, enu muli nakukana echi, omu Ngunahanjika ha Malaki 4. Oloze echa ngumilweke chumachimwe. Enu ngwenu, “Yesu ambile ngwenyi, ‘Kachi enu munahase kutambula echi, ou napu Elija uze ahanjikile echi.’”

²²⁷ Oloze kachi enu namumona chuma Ikiye ahanjikile mu—mu—mu Mukakujila Mateu, kapetulu 11 na vasi 6, “Kachi ove unahase kutambula echi, ou ikiye ahanjikile, kaha ngwenyi, ‘Nangutuma muluwa Wami kumeso Ami.’” Uze apwilenga Malaki 3, keshi Malaki 4 ko.

²²⁸ Mwomwo, mu Malaki 4, Ikiye ambile ngwenyi, “Shimbu kanda eli likumbi lizenga, awa mavu navakaya nakuwocha kaha vathu navakaya nakutambuka havikiko; kuwema nge vijinji.” Echi chakwoloka. Ikiye apwile nakuhanjika jino ha muluwa kumeso Eyi, uze apwilenga Elija, uze ahanjikilengaho. . .

²²⁹ Kangwa—Kangwafwelela muvyosena eviko hano vili nakuya nakujinguluka lelo ha chikuto cha Elija kaha navyangocho. Ngwa. . . Josena jize jifwoni jatela kwiza, mukiko vene, kupihisa chuma chivene omu nge chinalingika. Oloze, echa ngumilweke, kuze nakukaya nakupwa muluwa kusongo wamu chisemunuino cha Chipendeksita kaha kupwa muchumachimwe. Nachiya nakupwa muthu. Keshi lizavuko, keshi chikungulwilo ko; oloze muthu. Echi chili lwola lwosena, kaha Kalunga keshi kuhasa kwalumuna kwala Chenyi ko, Ikiye napu Kalunga wa Hayamyaka.

²³⁰ Anuka, kachi muluwa (Yowano) noko apwilenga muluwa wa Malaki 4, jino chize Chisoneka kuhona, mwomwo Chahanjika, “Nachiya nakupwa. . . mavu nawakaya nakushituka nge vijinji, kaha vakakwoloka navakaya nakutambuka ha uto waze vakakuhuka.” Shikaho tangenu Echi, kaha talenu kachi echi kacheshi chakwolokako. Talenu? Oloze Yesu kahanjikile ngochoko, Ikiye angwinyikilile ku Malaki 3, “Nanguya nakutuma muluwa Wami kumeso Ami, kuwahisa jila hali Yami.” Echi chili vene chakwoloka.

²³¹ Jino, oloze anuka, uze weka apwilenga nakutungulula lufwelelo lwa vana kuli visemi javo, kutungulula lufwelelo lwa vana kukinduluka ku Lufwelelo lwa masevo, Mbimbiliya yatete.

²³² Chize chikiko Mose alingile. Chize chikiko vene Yesu alingile. Chize chikiko vene kala muluwa nalingi mwahita Mbimbiliya, kulwola lwamakumishilo a chisemunuino, vakiko vakindulwishile uze mujimbu. Ava vathu, kuhita mu chikungulwilo kaha vyuma, kupwa vyosena kulijinga kaha vyumvyosena, muli aze makumbi.

²³³ Vakiko vanalingi chuma chochimwe na lelo! Shikaho etu tuli nakutala ha muluwa. (Kalunga, amutumine!) Enu munashinganyeka etu natuya nakumutambula ikiye? Nduma, mwane! Ikiye mwaya nakupwa “chikungo na uleya,” punduvene, wakutamo, oloze Kalunga mwaya nakumwinjikiza ikiye. Mukakufwelela wamwenemwene, vaze vakutongola ku Kuyoya cha Hayamyaka, Yesu ambile ngwenyi, “Vosena Tata nanguhane Yami navaya nakwiza, kaha naumwe muthu mweza kuvangila Tata Yami namukoko ikiye. Kaha vosena vaze Tata ali navo” (lwola lwakunyima) “nanguhane Yami, vakiko navakeza.” Echi chakwoloka, vakiko vapwile. . .

²³⁴ Kangwafwelela muli echi hano kunangula cha Mbaputishiti cha—cha kukingiwa cha Hayamyaka. Ngwafwelela echi mujila, oloze Ngwafwelela enu muli vakukingiwa kachi enu muli mu Liuka. Oloze enu muli nakulovoka kufuma . . . kuvanga kufuma mwishi ya Manyinga a Yesu Kulishitu, nge chiku enu kweshi vakukingiwako. Nguli wakukingiwa kuvula nge Nguli muno.

²³⁵ Kaha omwo enu navajimika mu Shipilitu Wajila na *kuhanjika* enu mukwechi Shipilitu Wajila, kaha jino kukana Lizu lya Kalunga? *Kuhanjika* enu mwafwelela na kutambula Shipilitu Wajila, kaha jino kukana nge eli Lizu linapu muchano? Kahajino nachipwa ngachilihi Shipilitu Wajila omwo Ikiye apwilenga Umwe uze asonekele eyi Mbimbiliya? Ou Shipilitu Wajila kukana Lizu Lyenyi Ivane, kuhanjika, “Ngwa—Ngwapwile wakuhenga, ove uli wakwoloka”? Nduma, chize kacheshi Kalunga ko. Nduma, mwane.

²³⁶ Poko yauvela kuvali! Mwata, tutumine Mujimbu wamwaza mukiko etu tuli nakuvandamina. Jino, mukiko, omu ikiye ejile nakuhaka aze malolwa nakuwavatula akikokufuma kuze kuzuvo yakutunga, nachiya nakusoloka ngachilihi? Vavavulu muli vakiko kaveshi kwimanako ha cheseko cha Lizu. Vakiko navaya nakuzanga chikungulwilo chavo kuhambakana vakiko kuzanga Lizu lya Kalunga, chipwethuhu lize Lizu vanenjikiza kuli uze muthu. Ikiye mwaya nakupwa kapolofweto uze mwakaya nakwiza mu Lijina lya Mwata, kaha ikiye mwakaya nakupwa umwe uze mwakaya nakwiza hano hamavu. Ngwafwelela echi.

Mamalelo, kalamuthu kuhanjika, “Nachiya nakupwa lizavu lya vathu.”

²³⁷ Ngwatondo muthuumwe kungulwekesa yami mu Mbimbiliya okwo nachikaya nakupwa lizavu lya vathu; Kalunga mwaya nakuwokola Lizu Lyenyi Ivane, Ikiye keshi kuhasa kulinga chizeko. Nduma, mwane. Ikiye ashikile echi. Nachiya nakupwa muthu umwe. Kaha jino nakuya nakupwa veka na ikiye, mukiko vene, masauzande, Liuka lyosena naliya nakupwa na ikiye, kwosena.

²³⁸ Nge muze chapwile mumakumbi a Nowa, kakweshi kukapwa vavavulu vavo kuvalwilako, mwomwo Yesu ngwenyi,

“Nge muze chapwile mumakumbi a Nowa.” Munatachikiza chize? “Nge muze chapwile mumakumbi a Lote,” (kuvalava) “shikaho mukiko nachikapwa.”

²³⁹ “Melu na mavu nawakahita, oloze Lizu Lyami kalyeshi kuhasako.” Talenu omu Ngwatwale? Mamalelo, ndumbu walunga, etu twatela kuhituluka, chinahase kupwa vene kuhambakana muze etu tunashinganyeka. Chihase kupwa pamo etu kutona likumbi limwe kaha kumona nge etu twajimbalisa chumachimwe. Pwenu vakuvanguluka! Tala, lomba, tonda, tondenu, kanda kwecha Echi chihite hali enu. Kaha, anuka, omwo Lizu lya Kalunga valinangula, Kalunga ali wakukashiwa kuli eli Lizu kaha mwaya nakwinjikiza Echi.

²⁴⁰ Kutachikiza chuma Ikiye ahanjikile kuze, chasolokele ngachilihi mumakumbi a Lote? Ikiye ambile ngwenyi, “Nge muze chapwile mumakumbi a Lote.” Chummuka chasolokele shimbu kaze kakahya? Chumamuka nachikaya nakusoloka shimbu kanda kaze kakahya kuholoka, muyachi muka wamujimbu Liuka lyatela kupwa nawo? Keshi Satome ko jino, Liuka lya kusakula. Lama kaha uze utatu: kuli Vakasatome; kaha kuze kwapwilenga lizavu Lote na lizavu lyenyi, liuka lya chisemwa; kuze kwapwilenga Apalahama, uze Wakusakula. Vosena vatatu vavo vakwechi mujimbu, eyo, ha miluwa vakuhandunuka. Tala muyachi wa kuya ku Liuka lya kusakula, chuma muka Ikiye alingile kuli Apalahama. Yesu ambile ngwenyi, “Shikaho mukiko nachikapwa naha kwiza cha Mwana muthu.” Jino, etu katweshi kukana chizeko, echi chili vene muze Yesu ahanjikile. Shikaho, mukiko vene nachiya nakupwa mujila kana.

²⁴¹ Jino, vavavulu...omwo Yesu ejile na kuneha cheseko na kuhanjika, “Tondenu mu Visoneka, mwomwo muli vikiko enu munashinganyeka kupwa na Kuyoya cha Hayamyaka, kaha vikiko vili nakuhanjika hali Yami,” kutala vahashile kwimana chize cheseko? Nduma. Kaha muthu natachikiza, kwitavila chetu chosena cha malolwa aze nawahona kwimana cheseko cha Lizu navakalimbila muwina. Lili namwaji, meya kuhokola, kalyeshi kwimanako. Mamalelo, muthu, jino vamutumine kumulumba wamajilo! Kalunga alava vilinga keshi jinambalako.

²⁴² Nguli nakusoka. Ngukonekelenu Ngunakutulika lwola lwosena luno, Kangweshi nakufwila kulinga echi ko. Echa ngupwenga kaha na—na tando yayindende, yivali, kupwa na kuhanjika chamakumishilo, jino Nanguya nakwecha mu minyutu kaha. Ngwafwelela Ngwa—Ngwa—Ngunahanjika chumachimwe chakukafwa, talenu, kumimbata. Talenu?

²⁴³ Kalunga lwolalwosena alava vilinga, keshi mamembalako. Kaha lelo etu kulinga mwakulisepasana. Etu twalava

mamembela, kuvwala chamwaza, vakakufweta vamwaza, kachi vilingako. Chakwoloka.

²⁴⁴ Eliezer achiyemesele, palanga ikiye kuwana vilinga. Echi chakwoloka. Hiya ayile nakupwa naka? Kaha ikiye afwelelele Kalunga. Vilinga ha chumamuka? Vilinga vya Yisaka, mwenga, eli Liuka linapu muyachi kana. Munatachikiza chize. Ize yapwile mbuto ya chisemwa ya Apalahama; eyi ikiko Mbuto ya Wangana ya Apalahama. Chamwaza, kachi Eliezer, uze muluwa kutonda mwenga kaha kweseka kuwana vilinga, kachi nge muthu mweza, muluwa wa likumbi lya makumishilo, kweseka kuwana Mwenga wa Kulishitu, ikiye keshi kutala hali membala wa chikungulwilo ko. Ikiye mwaya nakutala hali vilinga vize vili vya kulizanga.

²⁴⁵ Tala! Vilinga vya mwaza chatete, kahajino kupwa wakulizanga kuliwana na Yisaka. Hanyima ikiye awanyine vilinga, jino kumulingisa ikiye kwimana nakushimbula chikuma nakwivwulila ku mujimbu wa Isaka.

²⁴⁶ Uze muluwa wa makumbi akumakumishilo, Kumunyika cha chingoloshi, shina chatete kuwana Liuka (kulihi vakiko vafwelela ou Mujimbu?), utonde. Munahase kutanga chuma muka Nguli nakuhanjikaho? Tonda lize Liuka lili kulihi lize nalikwechela ove kwizamo, lize kaveshi kusoka chikolo kumeso oveko. Kaha jino omwo enu namulinga kuze, kahajino enu namuwana vilinga. Jino kachi ikiye mwaya nakwimna chikuma nakumulweka omu Mwenga atela kuvwala! Ikiye atela kupwa wakuvwala. Imana kulu! Kachi ikiye nahase kupwa . . .

²⁴⁷ Tala hali Laveka wamundende kwivwulila ku lizu lyosena, muchima wenyi waundende wapwilenga nakuliveta. Ikiye . . . Ikiye—ikiye apwile nakulizanga. Jino, enu muli nakutukuchila hali echi, “Namukaya Kulihi?” palanga Nnguwane vilinga. Jino omu Nanguwana vilinga, jino kukulingisa kwimana chakutambo kumulingisa kupwa wakulizanga kuya nakuliwana na ikiye. Mamalelo, yami, chuma kana chakukolesa! (Kachi etu twapwanga nalwola lwalundende ha koloko.) Mulingise kupwa wakulizanga; Imana nakwivwulila kumujimbu wenyi. Eliezer kapwile nakuhanjika hali lyaveneko, oloze ikiye apwilenga nakuhanjika hali umwe uze amutumine. Kaha ikiye apwilenga na mawana kwinjikiza nge ikiye vamutuma kufuma kuli ikiye. Amena! Ikiye atondele kumuvwika ikiye na vyuma vimwe. Ikiye atachikiza nge ikiye amujika.

²⁴⁸ Kachi Ngunahase kumuwana nakumukosa kumeso eyi! Talenu? Munatachikiza, Nguli—Nguli nakwivwa kungutala tala hali echi, shikaho Ngwatela kutwalilaho. Kalamwosena, Ngunahanjika chikuma, munatachikiza chuma muka Nguli nakuhanjika hali echi. Chosena chakwoloka, ivwulilenu, imanenu kulu.

²⁴⁹ Talisenu, uze muluwa walwola lwamakumishilo, mulimo wenyi naukaya nakupwa kulingisa vakakujila kupwa

vakulizanga, uze Mwenga wakulizanga hali Samwenga. Uze naukaya nakupwa Mujimbu wenyi. Jino enu mwatondo kulinangula AEIOU numba mukatange algebra kulutwe? Omu tuze tukwavo tutachikijilo kunyima kuze vanatusokolola vakiko natukaya kaha nakusokoloka kuli vakiko. Echi chakwoloka. Kulinangula AEIOU. Nyi AEIOU chumamuka? “Lwola lwosena Fwelela Kulishitu,” (keshi kunangula chauthuko), Kulishitu. Talenu? Fwelela chumamuka Ikiye ahanjikanga, keshi chuma muthuumwe nawa ahanjikako.

²⁵⁰ Kachi chinapu chakulimbalaka, kachi muthu umwe mwamilweka enu nge, “Echi chili chakwoloka kuteula kambu, pwevo,” tachikizenu ikiye ali nakulyonga. Eyi Mbimbiliya yahanjika nge chakuhenga. Kachi ikiye ngwenyi, “Ove unahase kupwa mukakuzata muliuka kaha hanga uli na mapwevo vawana mokomoko vatanu,” ikiye ali wakwonga. Chize chakulimbalaka na eli Lizu. Talenu? Vyuma vyosena vize etu natuhanjikaho, chitwale ku Lizu kaha chimone nge linapu Lizu vene.

²⁵¹ Neha cheka liuka ku Lizu. Jino, nyi muluwa wa Malaki 4 kulinga ika? Kutungulula kunyima ku Lufwelelo lwatete, Lufwelelo lwakusanguka. Chize, vakiko vamwene Yesu hanyima ya Ikiye nasanguka kufuma kuvafu, kumumona Ikiye kuzata mukachi kavo.

²⁵² Vakiko vapwile malunga va mazu amandende. Vakiko vayile nakunangula Lizu. Mamalelo, vakiko vanangwilenga lwola lwalusuku, Paulu anangwile ufuku wosena. Talenu? Lunga umwe aholokanga kufuma ha zuvo, kulijiha lyavene. Ikiye amuhakile mujimba wenyi hali ikiye, amunehela cheka kukuyoya cheka, talenu. Talenu? Talenu, atwalileho kunangula.

²⁵³ Jino talisenu, vakiko vapwile malunga vakuhandunuka kuhambakana vaze va Ph., L.L., Q.U.S.T., kaha kala chuma ove unatondo kuchivuluka, chili lelo. Ika? Kuhandununa muluwa na...Ou Mujimbu, pamo, ha muluwa, mwakaya nakuhandununa vakakufwelela kufuma kuli vakakuzeneka kufwelela. Vamwe vavo kupwa mumukana wa Echi, kaha vamwe pimi. Vamwe vachi Lutaleni...Vamwe vachi Katolika kupwa mumukana na Luther, vamwe keshi ngachizeko. Vamwe va Lutaleni kupwa mumukana na Mesondisiti, vamwe kaveshiko. Vamwe kupwa mumukana na Pendekosita, kaha vamwe kaveshiko. Vamwe navaya nakupwa mumukana na Kumunyika cha chingoloshi, vamwe kaveshi kuhasako.

²⁵⁴ Nauya ngachilihi nakutachikiza nge chinapu Kumunyika cha chingoloshi mokomoko chiku? Kweseka echi na Lizu (keshi Lizu *limwe* kahako, Lizu *lyosena* kupwa hamwe), talenu chipwe echi chakwoloka mokomoko nduma. Mamalelo, chuma muka echi? Kahajino kachi ou Mujimbu nauneha kwinjikiza cha Kalunga kuzata chuma muka Ikiye ahanjikile Ikiye mwaya

nakulinga, kaha kupwa mumukana na Lizu, jino eli Lizu lili lyakwinjikiza nge lwola lweka kaha naupolofweto weka walingile.

²⁵⁵ Tachikizenu omwo Mujimbu...omwo...Tachikizenu omwo Mujimbu vanakane kuli vathu, kaha muluwa kusoloka kupwa wakuhonesa, ikiye keshi kuhasa kumbata chikolo chikwavoko, ikiye keshi kuhasa kupwa nachihelako.

²⁵⁶ Nge Mwata wetu apwilenga. Anuka, omwo Ikiye apwilenga...Mamalelo, omwo Ikiye apwilenga mukakuka vakakuviza, uze Kapolofweto wamukweze, "Mamaah, yami! Ikiye napu Mukweze wamunene!" "Mwoyo, Lapi, unayoyo ngachilihi?" Oloze likumbi limwe Ikiye atwamine na kuputuka kuvalweza vakiko Muchano. Ikiye awanyine uselewa na liuka, na vathu. Masauzande kumukavangiza Ikiye. Ikiye apwile na vakakuzata makumi atanu na avali hali Ikiye, kusali ya twolufu. Oloze likumbi limwe hanyima Ikiye nalumuna mbolo...mokomoko kwalumuna ize...kuvulisa jimbolo, kwinjikiza nge Ikiye apwilenga Kalunga, mwomwo Kalunga anokesele mbolo hamavu kufuma Mwilu. Yaah. Talenu? Ikiye kuvulisa jimbolo. Kaha hazevene hanyima ya chize...Ikiye kutambuka ha meya, kuzata vikomwesa, kaha kulinga vyuma vize Ikiye alingile, kwinjikiza nge Ikiye apwilenga.

²⁵⁷ Kaha jino, omwo Ikiye alingile, Ikiye atwamine na kuputuka kulweka vathu. Vathu kwalumuka. Kaha vase sevete vambile ngwavo, "Huu! Hiya nahase kwivwa Echi? Chize chinapu kuhanjika chachikalu. Ove pula chize chuma etu twashinganyeka apwile chumachimwe nawa. Jino, hiya Ove kutulweka vyuma evi?" Kaha vakiko vatambukile nakuya.

²⁵⁸ Kahajino Yesu alumukile kulizavu Lyenyi lyalindende, nge mumakumbi a Nowa, nge mumakumbi a Satome, ambile ngwenyi, "Ove unatondo kuya, nawa?"

²⁵⁹ Kahajino Petulu ambile ngwenyi awa mazu amanene, "Mwata, etu natuya kulihi?" (Kalunga, tukafweko.)

²⁶⁰ Talisenu omu ou Mujimbu vanaukane na muluwa kusoloka kupwa wakuhonesa, muze mukiko jitambo ja Kalunga hazevene, Mujimbu wenyi kuhita.

²⁶¹ Nowa, (mukusoka jino), Nowa anangwile muchikolo cha chikasha chenyi ha myaka handulendi na twende, palanga, omwo makumishilo vakiko vamusehele, Nowa ejile muze muwato kushinganyeka nge...nachiya nakupwa chakwoloka. Kalunga asokele chikolo. Kaha vathu kusukama nakujinguluka kumona chuma muka nachiya nakusoloka. Makumbi atanu naavali ikiye kupwa kuze na kufumisa livule, kaha halikumbi lya muchitanu nakavali vula yejile. Hu-huu.

²⁶² Mose, apwile hiya? Uze vene mukana wa mulimo, kutwaminyina vathu. Uze Kalungalwiji Uchila engilile mujila yenyi. Ikiye apwilenga kusongo ya jila yenyi. Chize chapwile

jino chize Kalunga kwiza na peho yakumututuko na kufuma hakalungalwiji, na kusongo ya jila.

263 Apwilenga Ndanyeke, kwimana ha mujimbu wenyi, “Nachiya nakujiluluka ami lyavene na ou mwangana wa kaye.” Kwimana mumuchano kuli Kalunga, apwile vene kusongo ya jila yenyi, kusoloka nge makumishilo a lwola lwenyi luneza, vakiko vamumbilile muwina wa vandumba. Kalunga ejile nakusoloka.

264 Kaha chimene chimwe, kushikumuka mu Mbavilone... Amena! Ngunahase kutala Mwilu, Ngunahase kumona na—na Litanda, Vangelo kwimana nakujinguluka. Tala hano mu Mbavilone, Ngunahase kumona nge—nge kakahya kuwema. Ngunahase kumona vana vatatu kwimana kuze, kuhanjika, “Kalunga Ketu nahase kutusokola.” Talenu? “Oloze etu katweshi kunongama kuchifwanyisa chenuko, mwomwo chinapu chakulimbakala na Lizu.” Talenu? “Etu tunemana hano.”

265 “Chosena chakwoloka,” ambile ngwenyi mwangana, “kutambuka handalo, ove uli nakuya nakuwemesa.” Lunga wamunene, kusongo ya likunga, hano vakiko kwiza hajitambo, hatambo na hatambo, kuzuma na kuzuma.

266 Ngunahase kumona Kangelo kwimana kuze, umwe, kusali ya Litanda, kukwata poko yauvela kuvali na kujikoka, ambile ngwenyi, “Tata, tala kuze, chuma muka chili nakuya! Echa yami nguyenga nakushikumuka, Yami Gabriel, Nanguya nakwalumuna chize.”

267 “Haka poko yove yamukwale muchindalo chove, Ngavayeke. Ngunachitale echi.”

268 Hano haneza chuma chikwavo, ambile ngwenyi, “Tata, Yami Wormwood, Yami mukakwenyeka na meya. Mulwola lwa livaji, muthu avulumwine na kuyanjisa vathu Jove, kaha Ngwa—Ngwalumwine kaye kosena mumeya akaye. Nanguya nakukosa Mbavilone kufumisa muli echi chimene. Echa nguyenga.”

269 “Ngunatachikiza enu munahase, Wormwood, enu muli Kangelo wakushishika. Talenu? Oloze, Kangweshi kuhasa kwecha enu kuya, ou ukiko mulimo Wami. Nguli nakuya, Amilyavene.”

“Enu . . . Enu munamono vakiko?”

270 “Ngwatalile ufuku wosena. Ngwevwile kuliwana cha kulomba chavo. Ngwamwene kwimana chavo ha Lizu Lyami. Nanguya nakupwa kuze ha lwola.” Mamaah, yami! Ngunahase kumona Ikiye kukatuka na uvwalo Wenyi wa wangana kuholoka nakumujinguluka Ikiye, nge ngachize, kaha kuhanjika, “Twaya kuno, peho ya Kumututuko, Kuto, Sango, Mulauko. Kupwa helu lya mikalateta, Nguli nakuya nakutambuka helu lya litemba chino chimene. Nguli nakuya nakushikumuka mu Mbavilone,

Nguli nakuya nakwalumuna chuma chivene.” Mamalelo, ndumbu walunga, Ikiye apwile vene kuze ha lwola!

²⁷¹ Liso Iyenyi lili ha kapyasa kaha Ngunatachikiza Ikiye kungutala yami. Ikiye hanga ali nakutala ufukuuno, kutala yami, Ikiye ali nakukutala ove. Ikiye kutala chipwe etu natuya kwimana mokomoko keshi kwimanako, kusakula muka etu natuya nakupwa, chipwe etu natuya nakupwa na muchano kuli eli Lizu mokomoko kupwa nakufuma kuli Echi. Echi chili kulutwe kuhambakana omu munashinganyeka.

²⁷² Yakova, mujila yakuya kwimbo, wakuhwimina kuya nakukinduluka kwimbo, ndumbwenyi walunga apwile nakuliwana nenyi. Mamalelo, oloze ufuku umwe ikiye kuzunga na Kalunga. Ikiye apwilenga wakulizakamina kuliwana na ndumbwenyi, oloze chimene chashishileho ikiye apwilenga chawoma, mwangana kutalyangila. “Kangwatondele Esau chipwe maswalale jenyi, chipwe umwe,” Kalunga ejile nakusoloka. Talenu, Ikiye eji kulinganga mujila yakulipwila.

²⁷³ Yesu, kukana, hanyima yakupwa Mwana Kalunga wakwinjikiza, ambile ngwenyi, “Kachi Kangweshi nakulinga milimo ya Tata Yami, kanda kungufwelela Yami ko.” Ikiye apwilenga Kumunyika cha likumbi (Ikiye hanga Kumunyika!), ejile nakusoloka. Kaha vaze vathu, nge Ikiye mwahasa... mbolo na vaishi kaha jimbolo, vakiko kumukavangiza Ikiye. Oloze omwo Ikiye aputukile kusalweza vakiko Muchano wa Lizu, chize kuvahandununa, vakiko vapwilenga na visemwa vyavo vakiko vakwachilileko. Chapwile chakulimbalaka, oloze munatachikiza Ikiye apwilenga vene na Chisoneka. Oloze meso aupuputa amukaye kwahashile kumona Chizeko; chipwethuhu vakiko kutachikiza, chipwethuhu vakiko mukala chisemunuino, Ngunatwale, nge mwosena. Chuma muka chasolokele? Chasolokele nge Ikiye vamuhonesele.

²⁷⁴ Ove talisenu, kufuma mukala lwola, puho Yenyi kumuseza Ikiye. Omwo? Omwo Ikiye aputukile kusalweza vakiko eli Lizu. Omwo Ikiye ahashile kuya na kupwa—na kupwa na kutanga cha kuka na kutangisa, kalamuthu atondele Ikiye, “Ove Lapi, twaya kuno!” kaha, “Lapi, twaya kuno!” Oloze omwo Kunangula Chenyi chaputukile; “Mamalelo, Kunangula Chove chakulimanyina vathu jetu.” Mamalelo, kuwaha! “Mamalelo, Kangweshi kuhasa kupwa na Ove muliuka lyami chekako, Lapi, mwomwo, ika, Ove weji kuhaka vathu jetu, Kunangula Chove chili chakulimbalaka na chize etu twafwelela.” Echi kachalumukileko. Talenu? Echi kacheshi ngochoko. Yaah. “Kaweshi Kuhasa kupwa na Oveko, Lapi!” Ohonyi Ikiye kupwa wakwinjikiza, wakwinjikiza wa Visoneka Hiya Ikiye apwilenga, oloze vakiko kavahashile kufwelela Chizeko.

²⁷⁵ Makumishilo Ikiye ayile palanga lwola lwamakumishilo, omwo Satana ashinganyekele “Ngunamukwate Ikiye,” ikiye

amusukika Ikiye kukulusu. Kushikumuka, kushikumuka, kushikumuka, palanga makumishilo vakiko vashinganyekele nge vakiko vapwile na Ikiye, kumuhaka Ikiye muze muchimbumbembe. Oloze muze mukiko Kalunga ejile nakusoloka. Kufuma muchimbumbembe Ikiye asangukile! Mwomwoika?

²⁷⁶ Chuma chochimwe, Paulu, ikiye ngwenyi, “Vyosena... Demos nanguseze yami. Malunga vosena vanguseze yami ha Lizu.” Kangwafwelela Demas kuya kujiclub jaufuku na vyuma. Oloze Demas atondele kuya, Demas apwile lunga wakupita. Kaha ikiye atondele kuya na lizavu lya puho, kaha shikaho ikiye ayile kuze vosena valingile. Kaha jino Paulu ngwenyi, “Malunga vosena vananguseze.” Mwomwoika? mulimo Wenyi, ikiye apwile nakwiza ku lilolwa lya mumbango yacho, kwiza nakushikumuka kumakumishilo.

²⁷⁷ Kufwila chenyi chapwile kupwa wakujiha mwomwo ikiye ajihile Stephen, ikiye amwene kufwa chenyi na kumujiha. Ikiye atondele kufwa. Omwo va . . . Agabus, uze kapwile kapolofweto ko, emanyine kuli ikiye na kumulweka ikiye keshi kuya ku Yelusalema ko, ikiye ambile ngwenyi, “Ngunahono kutachikiza mwakuyila. Oloze Kangweshi nakufwila kuya, kuya mumalenge na kukashiwa, mbwe naku Yelusalema, oloze Nguli wakulizanga kuya na kufwa hali Mwata Yesu.” Chuma muka echi? Ikiye apwile nakujika mulimo wenyi.

²⁷⁸ Ove Liuka lya Kalunga wakuyoya, etu tunahase kuhanjika ufuku wosena. Natukaya ngachilihi nakujika Mujimbu wetu? Natuya ngachilihi nakuchilinga? Kalunga, tukafweko kumbata eli Lizu, kwimana chindume. Echa ngufwenga ha Lizu; kuyoyela ha Lizu, kufwa ha Lizu. Kumwanga Kumunyika, mwomwo nakukapwa Kumunyika mulwola lwa chingoloshi. Etu tuli muli ize ola, masepa. Echa kufwelela Echi, shimbu etu twanongama mitwe yetu.

²⁷⁹ Chatete, Nguli nakulikonekela ha kulama lwola lwosena, hano vene jiola jivali, ola na minyutu fwote faifi, Ngunashinganyeka, mukikovene. Ngunatalilila nge kwauchi chinakolesa. Etu katweshi nakukolesako. Chize, kachi echi chili muli etu—kachi echi chili mumuchima yetu na mwono, kahajino etu tuli vakuhenga, etu vavene, kachi etu vakakuzata kuhanjika vyuma kana, vandumbwami hano, ava malunga wakuzala na Shipilitu Wajila. Talenu?

²⁸⁰ Omwo Vangulwilile kaha Ngwamulwekele kafunga ka Mbaputishiti nge Vangutambwile Shipilitu Wajila, kaha vyuma vyosena evi, evi...kaha Kangelo ka Mwata angulwekele mwakulingila, ikiye ngwenyi, “Ove watela kupwa na kulota cha ufuku, Billy.”

Ngwambile ngwami, “Ndotolo Davis, Ngwamwene Kangelo.”

281 Ikiye ambile ngwenyi, “Mamalelo, chakuzeneka mangana!” Ambile ngwenyi, “Chize—chize chinapu cha liyavolo.” Talenu? Mamaah, yami, omu chili nangukolesa yami! Ikiye ambile ngwenyi, “Ove muya nakunangula kuli vamyangana na vavalemu?”

Ngwambile ngwami, “Omu mukiko Ikiye ahanjikile.”

Ikiye ambile ngwenyi, “Na kutanga cha mango seveni?”

Ngwambile ngwami, “Omu mukiko Ikiye nahanjika.”

282 Ikiye ambile ngwenyi, “Hiya unashinganyeka mwaya nakukwivulila? Kuya nakunangula kuka cha Ukalunga mulikumbi nge lino, kaha vosena vakakutanga vya vitumbo na vyuma?”

Ngwambile ngwami, “Kangweshi kuhasa kukafwa Ngolyate kwimana kuze.”

Ikiye ambile ngwenyi, “Hiya ove una shinganyeka ngwove mwa nakwivwilila ove?”

283 Ngwambile ngwami, “Kachi Kalunga mwangutuma, kuli nakuya nakupwa muthuumwe nakunguvwulila yami.”

284 Ngwahonene kutachikiza hali enu vathu jino. Kaha omu Ngwejile kuli enu, chapwile kaha nge kuvwala mangulovwu kulivoko, Ngwengililemo kanawa na enu. Ngwamizanga. Ngwamizanga. Ngwazanga kafunga kami ndumbu walunga. Enu mwashinganyeka ka Pulishiteliyani, Mesondisiti, mokomoko Luteleni, nahase kusokolola liuka lyavo nge ou ndumbu walunga ali na ufuku uno, mangana etu kutwama hano na kunangula vyamuyachi kana wa mujimbu? Nduma, mwane, keshi vosenako. Ava vanapu malunga vakamangana vafwelela Muchano. Jino mukana na Lizu na vakiko, talenu, fuma kuvyuma vya kaye.

285 Vandumbu vmapwevo, echa kambu jenu kusuwa. Vwalenu jindeleji jenu, kanaw na unyoji. Sonyi hali ove. Mbata nakufumisa kaputula kakwishi kumeso ave. Talenu? Enu mukwechi Visoneka vyavivulu vyakuvwala kaputula kakwishi kuhambakana kuteula jikambu. Echi chakwoloka. Kanda kuchilinga chizeko. Kanda kulinga ngachizeko. Eyi Mbimbiliya yahanjika echi kupwa chuma chakuzeneka kalemesa kuli pwevo kulinga ngachize. Jize jikambu jinapu upahu wenyi. Jino enu ngwenu, “Chize chikiko chuma chachindende.” Echi chakwoloka, echa tumbate vyuma vyavindende kufuma mujila kaha jino etu tunahase kuhanjika ha vyuma vyavinene. Echa tuputuke hanovene.

286 Jino, vandumbwami. Mamaah, yami! Echa nguhanjike chuma chimwe kuli muthu. Mukulwane, ndumbwami walunga, kachi ove muya nakwecha pwevo lyove kulinga chuma chimwe nge ngachize, Nguli nasonyi hali enu, kaha kulivuluka kupwa

muthu wakuzala na Shipilitu. Sonyi hali enu, echa pwevo lyove kuya mujila.

287 Kaha kuvwala mwausunda na vyuma vyosena nge ngachize, kaha munatachikiza eyi Mbimbiliya ngwayo, Yesu ngwenyi, “Wosena mwatala hali pwevo nakumuvwila lushiushiu nalingi nenyi ujila na ikiye?”

288 Enu ngwenu, “Jino vandamina munyutu kaha, ndumbwami walunga, Nguli wakuzeneka mulonga.” Ngwafwelela enu muli nawa, ndumbwami wapwevo, enu muli vakuzeneka mulonga muvilinga vya chisemwa. Oloze kachi ove naulisolola ovelyavene kaha mukashili kutala hali ove, kaha mulisolola ove lyavene nge ngachize, hiya ali namulonga? Ove unapu uhiya, hakulisolola ove lyavene. Jino halikumbi la kusopesa, omu mukashili mwakakumbulula ha ujila, hiya aulingile mumuchima wenyi? Ove! Mwomwoika? Mwomwo ove walisolwele ove lyavene. Jino, ou unapu Muchano.

289 Keshi ngochoko, keshi ngochoko, ndumbu wapwevo, mwane, mu Lijina la Yesu, echa Ngukuhule nge ndumbwenu walunga kumyolola?

290 Ndumbu walunga, sonyi hali enu hakuyoya cha ngachize, cholole. Ngu—Ngukwechi malutalilo amwaza a enu nge muthu. Talenu?

291 Tufunga vaze veji kwechelanga vathu kwiza nakwingila, nakupwa vakakuzata muliuka kaha vyumavimwe nawa na milimo nge ngachize, na mapwevo vavali mokomoko vatatu kuyoya, kaha vyuma, kaweshi nasonyiko, mukakuzata? Kaweshi na sonyiko ha vyuma kana? Kaha mbatenu vaze mamembala muze omu vakiko vali nakuyoya muujila, kaha kunwa makanya, kaha kulinga vyosena, kaha kuhona numba kuvuluka echi mukamenga. Sonyi hali ove! Nguna—Nguna—Ngunamilombelela, ndumbu walunga.

292 Kalunga amikisule. Ngwasakwilila hakuunda nakupwa hamwe nayami. Jino, Ngwalikomokela . . .

293 Chize Kumunyika cha chingoloshi chineza. Chize Kumunyika cha chingoloshi chili hano, kukinduluka ku Lizu.

294 Jino, na mitwe yakunongama, namichima yenu yakunongama, lihule echi chihula, “Kutala Nguli naseteko hamwe na eli lizu? Kutala mukiko Nguli?”

295 Kulomba chami chili, kufuma kukamenga, “Ove Kalunga, kuvatula vyuma vyosena kufuma kuli yami chize kacheshi nge Ove ko. Ove Kalunga, fuma kuli yami.” Etu tuli hano kusongo ya jila.

296 Chosena chakwoloka, unahase kupwa wakushishika kuzundula mavoko enu na kuhanjika, “Kalunga, vatula kufuma kuli yami kala chuma chize kacheshi nge Ove ko. Ngulingise, Mwata, ngutunge kaha ngulingise?” Echa Mwata amikisule.

²⁹⁷ Kachi kuli kalamuthu uze keshi kawako, kaha napu mukashili kaha nahiluka kunyima ikiye ali muno ufukuuno, kaha kanda kwitavila Kulishitu kupwa Mulwilo, mokomoko mukakukinduluka kunyima mokomoko chumachimwe, kaha natondo kwiza kunyima, ove twaya nakwimana kuno kuno kumamenga. Kachi enu mwafwelela nge Kalunga mwevwa lyehi malombo ami hali vakakuviza, Ngwafwelela Ikiye mwaya nakungwivwulila. Kaha enu na Yami hamwe nge omu etu natuhaka lufwelelo ha Mulambu, Yesu Kulishitu, uze Mwana Kalunga, na kulomba, Ngwafwelela Kalunga mwaya nakwivwa. Ove unapu wakusanyika kwiza na kwimana nakukulombela.

²⁹⁸ Jino, Tata wa Mwilu, etu tunakuhane Ove likungumbuwa, awa mazu akuhokoka awa anapu amasuku, Mwata. Navavavulu vanazeye kaha kuzeya kaha vanayi kwimbo, kaha pamo vamwe kwivwa nge kusavala, kaha, Mwata, Kangweshi—Kangweshi kuhasa kulweka hiya muliyongomena lwola lwosena. Kaha, hanyima ya vyosena, Tata, Eli linapu Lizu Lyove na Ove unatachikiza muchima wami. Shikaho...kaha Yami... Mamalelo yami kachi Kangweshi kuchilingako. Kaha Ngwa—Ngwatela kulinga echi, Mwata. Shikaho Ngwalombo jino nge vathu vaze vali nakwivushisa eli Lizu navaya nakwivwushisa kanawa, kaha Ngunakunyuka vaze Ove vakusanyika ku Kuyoya nachiya, chize kacheshi chumako muno mukaye oloze muchima wakuzala na zangi ya Kalunga na Liuka Lyenyi lize Ngunalebelela vyuma kana.

²⁹⁹ Tata, hakuhanjika kala livoko muno kuya nakupwa kwakwala, mangana kuvatula chikova chakusalako chize kachapandama kuzeko. Kalunga, tukafweko vosena. Ngunemana navakiko, Mwata. Ngunapu umwe wavo, Nguli nakutala hakwiza chize likumbi lya Likombakaji lyamwaza omu shili na sonyi navakaya nakuyenyeka. Kaha, Tata, shimbu etu tuli muno mukaye etu tunatachikiza nge etu twapwa vakutela kuvyuma evi, etu tunapu vakutela kuluwisa, etu vakutela kuvulumuna, etu hanga tuli nakutambuka, kaha etu katweshi nakufwila kulinga echiko. Nge omu yahanjika Mbimbiliya, “Kanda kuzeyako omu ove navakutenukila.” Oloze Ngwalombo, Tata, chize chinapu kutenukila ha Lizu kuvatula chikuma nakuvatula vyosena muli vakiko. Kaha Ngwalombo, Tata, nge vakiko navaya nakwivwushisa mujila kana.

³⁰⁰ Ngwalombo nge Ove muya nakuvakisula jino. Kaha echa echi, shimbu etu twalombele shimbu kanda, Mwata, kutachikiza na kutala chuma etu twalombo hali echi, mwomwo etu katwatondele kuhula vakakutanga, etu katwatondele kuhula chumachimwe chize chinapu kulingisa mazu, mwomwo etu tuli nakuhanjika kuli Ove.

³⁰¹ Ngunakulombo Ove kukisula ndumbu walunga hano uze nasokolola chikolo hali yami kwiza ufukuuno. Ngwalombo nge Ove muya nakukisula liuka lyenyi kaha echa kala mamembala

jenyi, Mwata, pwako kaha...Echa eyi yipwenga zuvo yakumwinyika, chihela kuze mawana a Kalunga kuhingunuka na vyumavimwe kupwa nakuhita kanawa.

³⁰² Kisula kala mukakuzata uze natwame hano, mauka avo. Kaha echa kupwenga kuyikisa, mokomoko kuvuma mumutondo wamambulishi, wa Shipilitu ya Kalunga kuhita muno mu Phoenix, kaha kuneha mauka kulikata na ku—na kuhizumuka chachinene, nge vakakuzata kaveshi kuhasa kunangula, mwomwo Upahu wa Kalunga; oloze omwo vakakujila vejile hamwe na musana, kulila na kulomba na kwambulula mujimbu, kupwa kaha kuhingununa chivene cha Shipilitu, omwo mbongi yosena nayiya nakuyilingisa kwiza, ivwulilenu. Tuhanecho echi jino.

³⁰³ Hindula vakakuviza mukachi ketu, Mwata. Kuvahana vakiko kusokoka cha Ukalunga, Tata, kuhichila mu Lijina lya Yesu Kulishitu.

³⁰⁴ Jino namitwe yetu yakunongama, kachi kuli kala hano kufwila kwimana nakujinguluka kamenga jino, kaha shimbu etu tuli namitwe yetu yakunongama, kaha etu tuli kaha nakuya nakungunguta chindende mwaso, na—na—nakuwaha, na mwaso wamwaka wa Mujimbu wamwaza. Kaha etu twatondo kusakwilila chize. Kaha omwo etu natulinga, kachi kuli kala muthu kufwila hali etu kukulombelela ove, kwingila ku—ku kutachikiza chakujiminyina, kutambula Shipilitu Wajila, mokomoko enu vanamilwili kaha kwamweshi kupwa vakujilikako, mokomoko kalachuma, etu natuya nakupwa vakuwahilila kulinga chize shimbu etu natunguta ou mwaso waundende, *Ngwamuzanga Ikiye*. Kaha kachi enu mwamuzanga Ikiye, echa tuvumbikile Lizu Lyenyi jino.

Ngwamuzanga Ikiye, Ngwamuzanga Ikiye
Mwomwo Ikiye avangilile kunguzanga yami
Kaha alanjile ulwilo wami
Ha mutondo wa Kavali.

³⁰⁵ Shimbu vakiko vali nakwiza, Ngwatondo wosena kumbata chihela chavo hano jino. Chosena chakwoloka, ndumbu wapwevo.

...kumuzanga Ikiye, Ngwamuzanga Ikiye
Mwomwo Ikiye...

Twaya jino, nakujinguluka kamenga, enu mwatondo kwiza jino.

...yami
Kaha alanjile ulwilo wami
Ha Kavali...

³⁰⁶ Mwomwoika kumana enu vamwe vandumbu vamapwevo na jikambu jajihi twayenu hano nakumushika Kalunga? Ove unatondo ngutange hali ove kufuma mu Mbimbiliya?

Chosena chakwoloka. Kaweshi kuhasa kwiza, nakuhanjika, “Mwata, Ngwatondo kupwa wakwoloka muvyuma vyosena, kaha Ngwatondo kuputuka mwakwoloka. Kaha Ngwatondo kuya mujila yakusungama na kutwama kuze. Nguli nakushika Ove ufukuno, Mwata. Najiya nakusuwa kufuma hano jino”?

³⁰⁷ Eyi Mbimbiliya yahanjika echi kupwa sonyi kulimuthu kupwa najikambu jajisuku, kusoloka nge pwevo. Kalunga atangile chivwasano vivali, chimwe na Alama kaha chikwavo na Eva. Ikiye avavwikile mwakuhandunuka. Vakiko vali vakuhandunuka, hamwe. Vakiko lwolalwosena kupwa vakuhandunuka. Kuli vivwasano vivali muno mu Mbimbiliya. Ngunatondo kunangula ha vivwasano vivali ufuku umwe, lwolalumwe, kusolola kuli enu chuma chakuhandnuka omu chili. Mamaah, yami, chinapu chamwaza. Echi chili namu kulimbata na kulukulula, kachi enu munatachikiza kaha muchano hali chize, munahase kuunjisa ukalu wosena. Echi chakwoloka. Chosena chakwoloka, jino, shimbu etu natupwa vakukunyuka jino. Twaya, kaweshi ngochoko?

Ngwamuzanga Ikiye . . .

Ove unatondo Shipilitu Wajila? Twaya kuno, imana nakujinguluka.

Mwomwo Ikiye avangilile kunguzanga yami
Kaha . . .

Ove unatondo kutambuka hakamwihi na Ikiye? Twaya, nakulishika, imana na Ikiye nakuchilama. Echi kacheshi kulinga mwamwazako kulishika kuvangila ove muchilama.

Ha . . .

Ove unahase kulama lushiko lwove. Kalunga atela kuluzalisa. Ove kwata kulushiko lwove.

³⁰⁸ Jino Nguli nakuya nakulomba vandumbwami vamaalunga kachi enu namuya nakutambuka nakujinguluka jino kujinguluka hano, kwimana nakujinguluka hali ava vathu vamwaza shimbu etu natulomba hano vene, hanjika kuli umwe wosena, lombamba kutonda chavo jino shimbu etu tuli hano.

³⁰⁹ Kalamuthu kupwa kaha mukalemesa nge omu muhashila kupwa. Jino, Kalunga mwaya nakukuvumbika, kupwa kaha vene wakalemesa palanga twalombo. Enu twayenu kaha nakujinguluka, kuno, kujinguluka, helu kaha kunyima ya vathu vaze vanema hano nakulomba.

Ha mutondo wa Kavali.

³¹⁰ Jino cheka, shimbu kuze vakakuzata vali nakukunguluka kujisali jivali.

Ngwamuzanga Ikiye, Ngwa . . .

Ngwazanga kumona chize, vakakuzata muliuka vakuhandunuka, vosena muli umwe jino; echi chili mwishi ya Manyinga.

Mwomwo Ikiye avangilile kunguzanga yami
Kaha alanjile ulwilo wami
Ha mutondo wa Kavali. (Yami!)

³¹¹ Jino kutambuka helu, vandumbu vamaalunga, kulivene owo unemana nenyi, kuhaka livoko lyove hali vakiko na kuvahula vakiko chuma vakiko vali nakutonda kufuma kuli Kalunga. Elu lwola lwamwaza? Munatachikiza, omwo Nangukamona echi, tala hano, vakakuzata muliuka vakuhandunuka, kwimana nakujinguluka hamwe. Vandumbu vamaapwevo vaze vapwilenga hamihela, kukatuka nakuya. Mwata va Mwalise. Shikaho ngunasakwilila hali chize, kwimana mu Lijina Iya Mwata.

³¹² Jino, echa likungumbuwa jino, kalamuthu nongamenu mitwe yenu. Enu vosena jino, mukachi ka muchima wove, hanjika kuli Kalunga nge omu muli nakuhanjika kuli yami; nge omu enu namwiza nakuhanjika, “Ndumbu walunga Branham, Ngwa—Ngwa...” Kachi ove unalingi chumachimwe chakuhenga, kuhanjika, “Ngukonekele, Ndumbu walunga Branham. Ngwa—Ngwalingile echi, ove muya nakungukonekela hali echi? Nanguya nakulishika na enu, Ndumbu walunga Branham, kangweshi kaya nakulinga chize hali oveko cheka.” Jino kwalumuna kufuma mu Ijina Iyami, kufuma kuli yami, kuli Mwata Yesu Kulishitu.

³¹³ Kaha kachi ove unatondo kuka, nge kachi ove nawiza nakuhanjika, “Ndumbu walunga Branham, Ngwa—Yami ngunahokoka, Kanda ngupwenga na ufuku wamwaza, kaha yaa, Ngunatachikiza kachi enu kupwa na ndola kaha kunguhanayo yami.” Jino, talenu, enu kamwatela kuhanjika kuli Kalunga ko, “Kachi Enu mukwechi ngolo ja kuka.” Ikiye ali nacho, talenu. Ove watela kuhanjika kuli yami, “*Kachi* ove ukwechi echi.” Oloze kuli Ikiye ove kawatela kuhanjika, “*Kachi* Ove uli nacho.” Ikiye ali! Talenu? Shikaho enu ngwenu, nge, “Ndumbu walunga Branham, unahase kunguhana ndola? Ngwa—Ngwa—Ngwakutonda chumachimwe chakulya.” Mwomwoika, mukiko vene Nanguhasa, munatachikiza chize. Kachi Ngwapwanga nacho Nanguya nakukuhanacho, kala lwola. Kangwapwile na ukalu wa muchima kachi Ngwalingile chizeko. Kaha yami, kupwa wakukeyuka, muthu washili, kaha nachiya nakupwa wamuchima wamwaza kuli muthuumwe nge enu, kachi Kalunga mwaya nakupwa ngachilihi?

³¹⁴ “Kachi enu mwapwa vavapi mwatachikiza omu mwakuhanyina mawana wamwaza, nachipwa ngachilihi na Senu wa Mwilu kuvahana Shipilitu, kuli vaze vali Nakuyilomba.” “Kachi enu namulomba ishi, kaha Ikiye amihane

linoka? Kulomba mbolo, kaha Ikiye amihane lilolwa?” Chiku mwane!

³¹⁵ Mwomwoika, kachi enu namumulomba Ikiye mujila kana, na lufwelelo, kufwelela chize, enu munahase kumbata echi kufuma muli Ikiye kapapa ka miliyoni kumihana washi kuhambakana kala chuma munahase kutambula kufuma kuli yami. Kaha munatachikiza Nanguya nakumikafwa, Nanguya nakulinga kalachuma Ngunahase. Kala hali ava vandumbu vamalunga vanahase, etu natufula kala ngwee kufumisa mumboloso mangana kumikafwa. Etu natuya nakulinga kalachuma etu tunahase. Oloze echi chinapu chumachimwe ove watela kufwelela ha lufwelelo.

³¹⁶ Jino, enu mwafwelela nge enu namuya nakutambula shimbu etu natulomba, kaha enu lombenu, kaha likungumbuwa kulomba, kaha Ngwafwelela Kalunga mwaya nakushikumuka na kuvumbika kulomba chetu. Kaha munyutu kaha ove uli nakwivwa nge ove uli na Echi, nge Kalunga mwaya nakukumbulula kulomba chove, jino enu mwatungile chivwasano, “Mwata, Ngwalingile wakuhenga, Kangweshi kuchilinga chekako. Nanguya nakukatula livoko lyami, Nangukushika Ove Kangweshi kuhasako,” Kalunga mwaya nakukumbata ove ha lizu lyove. Kaha enu mwatela kaha kufwelela muli ize jila kaha nachiya nakuhita. Kahajino zundula kaha mavoko enu na kusakwilila Ikiye, “Mwata, Ngunalingisa lushiko lwami. Kaha Ngunatachikiza nge napu Wove, kaha Ove washikile kukumbulula echi, kaha Ove kaweshi kuhasa kuhonako.”

³¹⁷ Tata wa Mwilu, etu, vangamba Jove, kwimana hali eli lizavu chize chineza nakuya kulutwe kutonda jikisu Jenu kaha Kupwa Chenu halwola luze. Tata, vakiko vanapu vyuma vyavilemu vya Mujimbu, walwola lwa Chingoloshi. Vavavulu muli vakiko, Mwata, vali nakwitavila. Vamwe vavo vali nakutonda. Ngwalombo, Kalunga, nge mu Lijina lya Yesu nge Ove kaweshi kuhasa kwalumuna umwe wavo ko, mwomwo Ove muya nakulama Lizu Lyove. Nguli nakuneha Lizu Lyove lya kwanuka Chove, Mwata, nge omu Petulu alingile na tumbaji omwo vakiko valombele mu Vilinga 4, vakiko vambile ngwavo, “Mwata, anuka eli Lizu! Mwomwoika vakakuzeneka kutachikiza kalunga kaha vathu kujinuoka vyuma vyamokomoko?”

³¹⁸ Jino, Tata, etu tweji kuneha Lizu Lyove. Ove ngwove, “Wosena mwafwelela hali Yami ali na Kuyoya cha hayamyaka. Wosena mweza kuli Yami Kangweshi kumutapulako. Wosena mwevwa Mazu Ami na kufwelela hali Ikiye uze angutumine Yami ali na Kuyoya cha Hayamyaka, kaha keshi keza ku Kusopesako oloze nahichi lyehi mukufwa nakwingila mu Kuyoya.”

³¹⁹ Mamalelo, kulingisa kutonda chetu kutachikiza kuli Kalunga, kaha Ikiye mwakaya nakukumbulula. Ikiye ali mukulisala... “Wosena uze mwaya nakwitavila jishili jenyi mwakaya nakutambula kukonekela. Wosena mwasweka shili keshi kukafukilako.” Kaha etu natulikonekela kuhenga chetu. Ngunetavila kuhenga cha vathu. Ngunetavila kuhenga chami. Ngwalombo keke. Ngwalombo ha kuka. Ngwalombo ha likoji. Ngwalombo nge Ove muya nakuhingununa Shipilitu Wajila, Mwata, hano vene hali ava vali nakuvandamina vathu, nge kuyoya chavo chiyenga nakwalumuka mukutunga cha Kalunga, kaha mwaya nakupwa wakuyunga muchifwanyisa cha Mwana Kalunga, chize Shipilitu yamuyoyesele Ikiye, chize nachiya nakwiza mumujimba wavo na kuvalingisa vakiko kupwa vana vamaalunga na vamaapwevo va Kalunga. Tuhanecho echi, Mwata.

³²⁰ Etu twafwelela nge Ove uli hano. Etu twafwelela nge Ove muya nakuvumbika Lizu Lyove. Etu twafwelela Ove muya nakuvumbika ngolo ja Lizu. Jino tuma eji jikisu hali ava vathu nge omu vali nakuvandamina Kupwa Chove nakuvatambukila hano ha kamenga. Mu Lijina lya Yesu.

³²¹ Jino, kachi enu mwafwelela, kaha mwafwelela enu mwatambwile, katula livoko lyove kuli Kalunga. Kachi enu namwitavila kulomba cha lufwelelo kaha kulishika nge ove jino mwalumuka nakutala kuli Kalunga, katula livoko lyove.

³²² Kaha echa likungumbuwa kwimana. Muthu wosena, imana, uze natondo kumulingisa kupwa Kalunga, jino kuhanjika, “Ngwafwelela Echi. Ngunetavila Echi. Ngwafwelela Echi.”

³²³ Jino katulenu mavoko enu na kumuhana Ikiye kwalisa kaha nachiya nakupwa kwosena. Upahu kuli Kalunga! Ngwasakwilila Ove, Mwata Yesu, ha kuwaha Chove na keke Yove, na vyosena vize Ove unalingi etu, Mwata. Etu twakuhana Ove kwalisa kuhichila muli Yesu Kulishitu. 🖱️

63-0116 Muluwa Waha Chingoloshi
Pentecostal Church Of God
Mesa, Arizona U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org